

ହିନ୍ଦୁ ଲୋକମାନଙ୍କ ନିକଟକୁ ଲିଖିତ ପତ୍ର ଏବଂ ନାରୁଡ଼୍ ଗାରେ ଲେକ୍ତାଦ୍ ଚିଠି ଏବଂ ବଇ ବିଷୟରେ ଅଣ୍ଟାୟ ପଦ୍

ଏହି ବଇ ଅଣ୍ଟାୟ ସାର୍ବଦେ ଇଦାନାଦ୍ ଚିଠି । ପୁରାତନ ନିୟମରେ
 ଖେରେଖେରେ ବାବବାଣୀ ସାରେ ନିଶ୍ଚିମାନ୍ଦାନ ବିଷୟ ଇଗେ
 ପାଏମ୍ ଆଦତମ୍ । ଇଦ୍ ଅଣ୍ଟାୟ ଉପଦେଶ୍ ଲେକାମ୍ । ଇଗେ ପ୍ରାୟ
 ୭୦ ରୁ ପେକେ ପୁରାତନ ନିୟମତାଦ୍ ପ୍ରସଙ୍ଗ ମିନ୍ଦେ । ବାଡ଼ ଜିସୁ
 କ୍ରିଷ୍ଟ ବେଦଲେକାମ୍ ବାବବାଣୀ ନୁ ଯିହୁଦୀ ପୁଜାରିଡ଼୍ କାମ୍ ପୁରା
 ମାଡ଼ତଣ୍ଡ ଇଗେ ମାମେ ପାଏମ୍ ଆଦତମ୍ । ଇଦିନ୍ ସେଙ୍ଗେ ଇଦ୍
 ଯିହୁଦୀ କ୍ରିଷ୍ଟିୟାନ୍ ନାରୁଡ଼୍ ସାହାସ୍ ଇଦାନାଦ୍ ବଇ । ଏହି ଚିଠି
 ଜିସୁନ୍ ନିୟମ୍ ତେରସ୍ତାନତଡ଼୍ ପୁଜାରିଡ଼୍ ମେଣ୍ଡନଦାମ୍ ବେସୁକ୍ ବଲି
 ଇଦାନଙ୍କ ଆୟ ଇଦ୍ ବିଷୟ କେଡ଼ତିଡ଼ । ଜିସୁ ବେଲା ନିୟମ୍ ତିଆର୍
 ମାଡ଼ତଣ୍ଡ ଆଦିନ୍ ମାୟଦିଙ୍କ ପୁଜାରି ମେଣ୍ଡନଦାମ୍ ବେସୁକ୍ ବଲି ଇଖଣ୍ଡ
 । ଜିସୁ କ୍ରିଷ୍ଟ ଆଦୁତଣ୍ଡ ସାରେ ପାପାମ୍ ତେ ବଲି ଇଡ଼ତଣ୍ଡ, ଇଦ୍
 ଅଣ୍ଟାୟଦାମ୍ ସାରେଦିନେଡ଼ ମାୟଦିଙ୍କ । ଇଞ୍ଜେଡ଼ ଯୁଗ୍ ତେ କ୍ରିଷ୍ଟିୟାନ୍
 ନାରୁଡ଼୍ ସେଙ୍ଗେ ଏହି ଚିଠିତାଗ୍ ସାହାସୀକ୍ ତଅନ୍ଦିଡ଼ । ମାଡ଼ତ କ୍ରିଷ୍ଟ
 ମାନାଙ୍କ ଇଶ୍ବରତିଙ୍କ ନିର୍ବର୍ ମାଡ଼ାନ ସେଙ୍ଗେ ସମ୍ବ ମାଡ଼େପାର୍ଦ୍ଦତଣ୍ଡ
 । ମେଣ୍ଡେଗାଲା ଅନାଗ୍ ନିର୍ବର୍ ମାଡ଼ି ଲେକାମ୍ ଚାଲେମ୍ ଆଦତାଡ଼୍
 ୧୨:୨ ।

ଏହି ବଇ ବେନ ଲେକ୍ତଣ୍ଡ ପୁନ୍ଦାଙ୍କ ଆୟ, କିନ୍ତୁ ପଣ୍ଡିଡ଼ ନାରୁଡ଼୍
 କେଡିତଡ଼, ପ୍ରେରିଡ଼ ପାଉଲ୍, ଲୁକ ବା ବର୍ଣ୍ଣବା ଆସ୍ମାନତଣ୍ଡ ।
 ଇଦିନ୍ ଲେକ୍ତାଦ୍ ସମୟ ଗାଲା ପୁନ୍ଦାନଙ୍କ ଆୟ କିନ୍ତୁ ନାଗେ
 ନାରୁଡ଼୍ ବିଶ୍ବାସ୍ ମାଡ଼ତୁଡ଼ ଇଦ୍ ଜିସୁ କ୍ରିଷ୍ଟନ୍ ଜନମ୍ ତେ ମୁନେ ୭୦
 କ୍ରିଷ୍ଟାବ୍ଦେ ଲେକାଆଡ଼ତେ । ଜିରୁଗାଲେମ୍ ମନ୍ଦିର୍ ୭୦ କ୍ରିଷ୍ଟାବ୍ଦେ
 ଦଂସ ଆଡ଼ତେ କିନ୍ତୁ ଇଦ୍ ଚିଠିତାଦ୍ ଲେକାନଣ୍ଡ ଇଦ୍ ନଷ୍ଟ ଆୟ
 ଇଞ୍ଜ କେଡିତଣ୍ଡ । ଏହି ଚିଠି ଆଦପାର୍ଦ୍ଦେ ରୋମୀୟ ଟାଣୁନ୍ତାଗ୍

ଲେକାଆୟାମାତ୍ରତେ ୧୩:୨୪ ମେଣ୍ଡେ ଖେରେଖେରେ ମଣ୍ଡୁଲିତାର୍
ତୁସିସ୍ ମାତ୍ରତତ୍ ।

ବଇଡ଼ ଲୋପେ ମାନ୍ଦାନ୍ ମୁକ୍ୟ ବିଷୟ

୧. ଜିସୁ କ୍ରିଷ୍ଟ ବାବବାଦୀ ମେଣ୍ଡେ ଦୂତନାଗାଙ୍କ ବେଡ଼ୟଣ୍ଡ । ୧:୧-୪:୧୩
୨. ଜିସୁ କ୍ରିଷ୍ଟ ଶ୍ରେଷ୍ଠ ପୁଜାରି । ୪:୧୪-୭:୨୮
୩. ଜିସୁନ୍ ସେବା ପାଡ଼ିୟିଦାର୍ ଶ୍ରେଷ୍ଠତା । ୮:୧-୧୦:୩୧
୪. ଜିସୁ ସାରେଡିଙ୍କ ବେଡ଼ୟଣ୍ଡ । ୧୦:୩୨-୧୩:୧୭
୫. ଲେକତେନନ୍ ଇଦ୍ ଚିଟିତାର୍ ବେସକେ ଗାଡ଼ସ୍ତାଝୁ ପରାମର୍ଶ ନୁ ମାରେଙ୍ଗତେ ନମସ୍କାର୍ । ୧୩:୧୮-୨୫

ମାରିନୁଞ୍ଜ ଇଶ୍ବରତେ ଗଟ୍

^୧ ମୁନେଡକାଲାତେ ଇଶ୍ବର ଆମ୍ଭତି ନୁ ବେସୁଙ୍କ ବେସୁଙ୍କ ବବିଷ୍ୟତ୍ ବକ୍ତାଲତ୍, ତତ୍ ମାନ୍ ଆନିଦାଦିଡକ୍ ଗଟ୍ କେସମାତ୍ରତତ୍ ।

^୨ ଇଡକେ ଇଦ୍ ତେରାନ୍ ଦିନାମ୍ତେ ଅନ୍ ତାନ୍ ମାରିନ୍ ତ ମାନ୍ସାଙ୍କ ଗଟ୍ ତିରିୟତଣ୍ଡ । ଆ ମାରିନ୍ ତ ଇଶ୍ବର ବୁମ୍ଭତିଙ୍କ ତିଆର୍ ମାତ୍ରତଣ୍ଡ ମେଣ୍ଡେ ଆ ପେକେ ସାରେ ବିଷୟତେ ଅଦିକାର୍ ଆଦାନଙ୍କ ଅଣ୍ଡ ଅଂକିଙ୍କ ଏଞ୍ଜତଣ୍ଡ ।

^୩ ଅନାଗା ଇଶ୍ବରନ୍ ମହିମାତାଦ୍ ଖେସ୍ ପଡିଡ୍ ନୁ ସ୍ବର୍ଗତାଦ୍ ସମ୍ପତି ସାରେ ମିନ୍ଦେ । ମେଣ୍ଡେ ଅଣ୍ଡ ତାନ୍ ଗଟ୍ତତ୍ ସାରେ ଜଗଡ଼ତିଙ୍କ ପଇସ୍ ମିନ୍ଦେଣ୍ଡ । ଅଣ୍ଡ ନାରୁଡ଼ ଜାତ୍ତେ ମାଇଦିଙ୍କ ପାପ୍ କ୍ଷମା ମାଡି ସ୍ବର୍ଗତଣ୍ଡ ବାଗ୍ଡାନ୍ତାର୍ ଲାଝିଦେ ଇଶ୍ବରନ୍ ତିନ୍ଦେ ପାକା କୁଦି ମିନ୍ଦେଣ୍ଡ ।

ଇଶ୍ବରନ୍ ମାର୍ ଆଦୁତଣ୍ଡ ବାଡିୟଣ୍ଡ

^୪ ଅଣ୍ଡ ସ୍ବର୍ଗ ଦୂତକିନ୍ନାଗାଙ୍କ ବେଲା ବେଡିୟଣ୍ଡ, ଅନ୍ଝାଦ୍ ପେଦେର୍ ଆନ୍ତେ ଆଦେରକମ୍ ଅଡ଼ଡାଦ୍ ପେଦେର୍ତାଗାଙ୍କ ମହାନ୍,

^୫ ବାତାଙ୍କ ଇକେ ବେସୁଙ୍କବା ଇଶ୍ବର ବେନ୍ ଦୂତତିଙ୍କ କେଡ଼ଇଲେ, “ନିମେ ନା ମାର୍, ନେଟ୍ତେନୁଞ୍ଜ ନାନ୍ ନି ବାବାଲ୍ ଆଡତାନ୍,” ଇଶ୍ବର ଗାଲା କେଡ଼ତଣ୍ଡ, “ନାନ୍ ଅନ୍ ବାବାଲ୍ ମେଣ୍ଡେ ଅଣ୍ଡ ନା ମାର୍ ।”

୬ ଇଡ଼କେ ଇଶ୍ବର ଅନ୍ ମୁନେନ୍ ଜାନୁମ୍ ଆଡ଼ତା ମାରିଙ୍କ ଇ ବୁମ୍ ତାଗ୍ ରହତେଖେଲେ ଇଦ୍ କେସ୍ ମାଡ଼ତଣ୍ଟ, “ଇଶ୍ବରନ୍ ଦୂତ ସାରେ ଅଙ୍କ ଆରାଦନା ମାଡ଼ିତା ।”

୭ ଇଡ଼କେ ଦୂତକିନ୍ ବିସୟତେ ଇଶ୍ବର ଇଦ୍ ଗର୍ କେଡ଼ତଣ୍ଟ; “ଇଶ୍ବର ତାନ୍ ଦୂତକିଙ୍କ୍ ଗାଲ୍ ଦେ ଲେକାମ୍ ମେଣ୍ଟେ ତାନ୍ ଯତନ୍ ମାଡ଼ାନଡ଼କିଙ୍କ୍ ପତାନ୍ କିସ୍ତେ ଲେକାମ୍ ମାଡ଼ିତଣ୍ଟ ।”

୮ ଅଣ୍ଟ ମାରିନ୍ ବିଷୟତେ ଅଣ୍ଟ କେସ୍ ମାଡ଼ତଣ୍ଟ, “ଆ ଇଶ୍ବର, ନିୟାଦ୍ ରାଜ୍ୟ ସାରେଦିନାମ୍ ମାନି ! ନିମା ନ୍ୟାୟତେ ନି ନାରୁଡ଼କ୍ ଶାସନ୍ ମାଡ଼ିଦିନ୍ ।

୯ ନିମ୍ ଦର୍ମାମତିଙ୍କ୍ ସାୟେ କେତିତି ନୁ ଅଦାମ୍ କି ଲଲ୍ ଝାଦ୍ ନିକିଙ୍କ୍ ଅପ । ଆଦିଙ୍କ୍ ଇଶ୍ବର ନି ଇଶ୍ବର ନିକିଙ୍କ୍ ନିୟ୍ ଆକି ଏସ୍ତିମିଦେଣ୍ଟ ମେଣ୍ଟେ ମିଝଡ଼୍ ସାଙ୍ଗଡ଼୍ ଲୋପେଙ୍କ୍ ନିକିଙ୍କ୍ ଗାଟି ପ୍ରେମ ଇସ୍ ଖେଡ଼କେ ମାଡ଼ିତଣ୍ଟ ।”

୧୦ ଅଣ୍ଟ ମେଣ୍ଟେ କେଡ଼ତଣ୍ଟ, “ଅ ପ୍ରବୁ ନିମା ମୁନେନ୍ ବୁମ୍ ତିଙ୍କ୍ ସୃଷ୍ଟି ମାଡ଼ିଦିନ୍, ମେଣ୍ଟେ ନି କାଲ୍ ଦେ ମୟଲ୍ ତିଙ୍କ୍ ସୃଷ୍ଟି ମାଡ଼ିଦିନ୍ ।”

୧୧ ଆଝୁ ସାରେ ଅଣ୍ଟ ଦିନା ତେରିତା । ଇଡ଼କେ ନିମା ଆଲେକେ ମାନ୍ତିନ୍ । ଆଝୁ ପାନ୍ତା ସିଲେକ୍ ଲେକାମ୍ ନଷ୍ଟ ଆଦତା ।

୧୨ ଚକାସିଲେ ସଜା ମାଡ଼ତେ ଲେକାମ୍ ନିମେ ଆଝୁ ସାରେ ସଜାମାଡ଼ି ନେଃଏତିତି ମେଣ୍ଟେ ଚକାସିଲେ ବଦ୍ ଲା ମାଡ଼ାନ୍ ଲେକାମ୍ ବାଦ୍ ଲେମ୍ ମାଡ଼ିତିଡ଼୍ କିନ୍ତୁ ନିଜେ ନିମେ ବାଦ୍ ଲେମ୍ ଆୟ୍ ଖେ ଲେକାମ୍ ମାନ୍ତି ମେଣ୍ଟେ ନିମା ସାରେଦିନା ମାନ୍ତାନ୍ ।

୧୩ ମେଣ୍ଟେ ଇଶ୍ବର ତାନ୍ ବେନ୍ ଆଇ ଦୂତଙ୍କ୍ ବେସୁର୍ କେଡ଼ଇଲେ; “ନାନ୍ ମି ଶତ୍ରୁଡ଼କିଙ୍କ୍ ବେସୁର୍ ଆୟ୍ ନା ମି ତେକା ମଦଲ୍ ଝାଟନ୍ ଆସୁର୍ ଆୟ୍ ନା ନା ତିନ୍ ପାକ୍ କୁଦିମାନ୍ ।”

୧୪ ଆଲେକେ ସ୍ବର୍ଗଦୂତଡ଼୍ ବେନ ? ଅଡ଼୍ ଆଦୁତଡ଼୍ ଇଶ୍ବରତେ ସେବକିଡ଼୍, ପରିତ୍ରାଣ୍ ପାଏମ୍ ଆଦାନ୍ ନାରୁଡ଼ତେ ସାହାୟ୍ୟ ସେଙ୍ଗେ ଇଶ୍ବର ରଅତେ ଆମ୍ବାକି ।

୨

ବାଡ଼୍ ଯେ ପରିତ୍ରାଣ

୧ ମାନାଲ୍ ବେଲାକି ସାତ୍ତାନୁଷ୍ଠ ଝେରେ ଆଇଝାଲ୍, ଆଦିନ୍ ମାଇଦେ ମାନାଲ୍ କେଞ୍ଚିତା ଗଚିକିଙ୍କ୍ ଡାରୁମ୍ତେ ପଇସ୍ ମାନ୍ଦାନ୍ ମିନ୍ଦେ ।

୨ ବାତେଙ୍କ୍‌ଇଡ଼କେ ମୁନେଙ୍କ୍ ଇଶ୍ବର ଦୂତକିନ୍ ତଡ଼୍ ବାତା କାରୁର୍ କେସ୍‌ମାତ୍ତା, ଆଦ୍ ସଡ଼୍ ଆସ୍‌ମିନ୍ଦେ, ବେନଡ଼୍ ଆଦିନ୍ ପିନ୍ଦ ଇଞ୍ଜ ପାଲନ୍ ମାଡ଼ଡ଼୍, ଅଡ଼୍ ଆଦ୍ ଦଣ୍ଡ ପାଏମ୍ ଆଡ଼ତଡ଼୍ ।

୩ ଆଲେଇଡ଼କେ, ଇଦ୍ ବାଡ଼ୟେ ପରିତ୍ରାଣତିଙ୍କ୍ କେପ୍‌ତଡ଼୍, ମାନାଡ଼୍ ବେଲା ଗେଲ୍‌ସିତାଡ଼୍ ? ଇଦ୍ ପରିତ୍ରାଣ ପ୍ରବୁ ନିଜେ ମୁନେନ୍ କେଡ଼ତଣ୍ଡ୍ ମେଣ୍ଡେ ଅନାଗ୍‌କଞ୍ଜ୍ କେଞ୍ଜାମାଡ଼ତେ ନାରୁଡ଼୍ ଅନାଦ୍ ବେଡ଼ିୟାଦ୍ ସଡ଼୍ ମାୟାଗ୍ ନିଜାମ୍ ଇଞ୍ଜ କେସ୍‌ମିନ୍ଦେଡ଼୍ ।

୪ ମେଣ୍ଡେ ଗାଲେୟ୍, ଇଶ୍ବର ତିଏଃନେ ନୁ ନାଗେ ବେପଡ଼୍ ଆୟ୍‌ଝାଦ୍ ପାଡ଼ିୟ୍ ମେଣ୍ଡେ ଆଶର୍ଯ୍ୟ ପାଡ଼ିୟ୍ ନୁ ପବିତ୍ର ଆମ୍‌ନ୍ ଝେରେଝେରେ ଦାନାମ୍ ତଡ଼୍ ସାକ୍ଷି ଇସ୍ ମିନ୍ଦେ ।

ଜିସୁ ପୁରାପୁରି ନାରୁଣ୍ଡ୍ ମକମ୍ ପୟ୍‌ତଣ୍ଡ୍

୫ ଇଶ୍ବର ବେନ୍ ପୁନା ବୁମ୍ ତିଆର୍ ମାଡ଼ିତଣ୍ଡ୍ ନୁ ବେନ୍ ବୁମ୍‌ତା ମାଟା ମାନାଡ଼୍ କେଡୁତାଡ଼୍, ତାଙ୍କ୍ ଶାସନ୍ ମାଡ଼ାନ୍ ସେଙ୍ଗେ ଅଣ୍ଡ୍ ସ୍ବର୍ଗ୍ ଦୂତକିଙ୍କ୍ ଏଞ୍ଜଣ୍ଡ୍ ।

୬ ବାତେଙ୍କ୍ ଇକ୍ବେ ଦର୍ମଶାସ୍ତ୍ରତାଗ୍ ଲେକା ମିନ୍ଦେ, “ଆ ଇଶ୍ବର, ନାରୁଡ଼୍ ବେନଡ଼୍‌ଜେ, ନିମ୍ ଆଦିନ୍ ମାଇଦିଙ୍କ୍ ଆଲ୍‌ସୁତି ମେଣ୍ଡେ ନାରୁଡ଼୍ ଇତ ସୁଡୁର୍ ମାଡ଼କେ ଗାଲେୟ୍ ନିମେ ଅଡ଼୍ ମାଇଦିଙ୍କ୍ ଆଲ୍‌ସିତି ?

୭ ନିମା ଅଡ଼୍‌କିଙ୍କ୍ ଦୂତକିନ୍‌ଞ୍ଜ୍ ସୁଡୁର୍ କମ୍ ମାଡ଼ିମିନ୍ଦେନ୍, ନିମେ ଅଙ୍କ୍ ଗୌରବତାଦ୍ ନୁ ଗାଟି ସନ୍‌ମାନତାଦ୍ ସହଜ୍ ନେହ୍‌ତଣ୍ଡ୍,

୮ ସାରେ ବିଷୟ୍‌ତେ ପର ଶାସନ୍ ମାଡ଼ାଙ୍କ୍ ଅଦିକାର୍ ଇଡ଼ତେ ।” ମେଣ୍ଡେ “ସାରେ ବିଷୟ୍‌ତେ,” ଇଦିନ୍ ଅର୍ତ୍ତ ବାତେବା ବିଷୟ୍ ଝିଡ଼୍‌ସ୍‌ଝେ ସାରେ ବିଷୟ୍‌ତେ ପର୍ ଅଦିକାର୍ ଇସ୍‌ମିନ୍ଦେଣ୍ଡ୍ । ଇଗାଙ୍କ୍ ସାୟେ ପୁନ୍ଦାନଙ୍କ୍ ଆଦୁଡ଼୍ ଯେ, ସାରେ ବିଷୟ୍ ତାନ୍ ଅଦିକାର୍‌ତେ ଲୋପେ ମିନ୍ଦେ । ଆଗେବା ମାମ୍ ପୁଡ଼ତମ୍, ନାରୁଡ଼୍ ଇଞ୍ଜେ ସାରେ ବିଷୟ୍‌ତେ ପର ଅଦିକାର୍ ମାଡ଼ଡ଼୍ ।

୯ ମାମ୍ ଉଡୁତମ୍, ବେଲାକି ଜିସୁ ସ୍ୱର୍ଗ ଦୂତନୁଷ୍ଠ ସୁଦୁଲଣ୍ଡ ମାଡ଼ିମାଡୁତଡ଼, ବେଲାକି ଇଶ୍ୱରନ୍ ଅନୁଗ୍ରହନୁଷ୍ଠ ସାରେତଡ଼ ମାଇଦିଙ୍କ ଡଲିତଣ୍ଡ । ତାନାଦ୍ ଆ ଡଲ୍‌ଡେ ମାଇଦିଙ୍କ ମାନାଲ୍ ଇଞ୍ଜେ ଅଙ୍କ ଗୌରବଡେ ନୁ ନେକକା ସାନ୍‌ମାନ୍‌ତାଦ୍ ସହଜ୍ କେରତାଦ୍ ଉଡୁତାଲ୍ ।

୧୦ ସାରେତଡ଼କ୍ ତିଆର୍ ମାଡାନଣ୍ଡ ନୁ ଗେଲ୍‌ସ୍ଥାନଣ୍ଡ ଇଶ୍ୱର ତାନ୍ ନାଗେ ମାର୍ ମାୟାସ୍‌କିଙ୍କ ଜିସୁନ୍ ଗୌରବଡେ କାଇଲ୍‌ପାନ୍ ମାଇଦିଙ୍କ, ଡଲାନାଗାଙ୍କ ଜିସୁଙ୍କ ସିଦ୍ ମାଡି ସାୟେ ପାଡିୟ୍ ମାଡୁତଣ୍ଡ । ଇଡକେ ଜିସୁ ଆଦୁତଣ୍ଡ ପରିତ୍ରାଣ ଆରଦେ ଅଡକିଂଙ୍କ ଅଦାନଣ୍ଡ ।

୧୧ ଆଦିଙ୍କ ଜିସୁ ନୁ ବେନଡକ୍ ଅଣ୍ଡ ପବିତ୍ର ମାଡିତଣ୍ଡ, ଅଡ଼ ସାରେତଡ଼ ଅଣ୍ଡୟ ବାବାନ୍ ମାରକ୍ । ଆଦିନ୍ ମାଇଦେ ଜିସୁ ଅଡକିଂଙ୍କ ଏଲାଡତାମୁଣ୍ଡ ଇଞ୍ଜ କେତାନଙ୍କ ସିଗ୍ ଆୟଣ୍ଡ ।

୧୨ ଅଣ୍ଡ ଇଶ୍ୱରତିଙ୍କ କେଡତଣ୍ଡ, “ନାନ୍ ନିୟାଦ୍ ସାରେ ପାଡିୟ୍ ନା ଏଲାଡତାମୁଡକିନ୍ କେଡିତାନ୍ । ନାନ୍ ଆଡକ୍ ଗୁଡିମାୟାନାଗେ ନିୟାଦ୍ ପ୍ରସଂଗା ପାଗା ପାରିତାନ୍ ।”

୧୩ ଅଣ୍ଡ ଇଦ୍ ମିକା କେଡତଣ୍ଡ, “ନାନ୍ ଇଶ୍ୱରନାଗେ ବିଶ୍ୱାସ୍ ଖାଟିତାନ୍ ନୁ ଇଶ୍ୱର ନାକିଙ୍କ ବେନ୍ ପିଲାକିଙ୍କ ଇସ୍‌ମିନ୍‌ଦେଣ୍ଡ ଅଡ଼ ନା ତଡ଼ ମିନ୍‌ଦେଡ଼ ।”

୧୪ ଅଣ୍ଡ ବେନଡକ୍ ମାରକ୍ ଇଞ୍ଜ କେସ୍‌ମିନ୍‌ଦେଣ୍ଡ, ଅଡ଼ ନେଡୁର୍ ମେନ୍‌ଲ୍ ପୟ୍‌ଡେ ନାରୁଡ଼ ଆସ୍‌ମାୟାନ୍ ମାଇଦିଙ୍କ ଜିସୁ ମେଣ୍ଡେ ନିଜେ ଅଡ଼ ଲେକାମ୍ ନାରୁଣ୍ଡ ଆସ୍ ଜନମ୍ ଆସ୍‌ମାଡୁତଣ୍ଡ । ଅଣ୍ଡ ଇଲା କେତାନାଦ୍ ଉଦେଶ୍ୟ ଆଦୁଡ଼, ଅଣ୍ଡ ବେଲାକି ନିଜେ ଡଲିମାଞ୍ଜ ଶଇତାନ୍‌ତିନ୍ ଆଞ୍ଜକା ପାଦ୍ ତଣ୍ଡ, ଡଲାନାଦ୍ ପର୍ ଶଇତାନ୍‌ତାଦ୍ ଅଦିକାର୍ ମାଡୁତା ।

୧୫ ଇଦିନ୍‌ସେଙ୍ଗା ସାରେଦିନା ଡଲାନ୍ ଝେର୍‌ୟି ଲେକାମ୍ ଦାସଡ଼ ବନ୍‌ନତାଗ୍ ମାୟାନ୍ ନାରୁଡକିନ୍ ଅଣ୍ଡ ଗେଲ୍‌ସ୍ଥି ମିନ୍‌ଦେଣ୍ଡ ।

୧୬ ଇଗାଙ୍କ ପୁନ୍‌ନାଙ୍କ ଆଦଡେ ଜେ, ଅଣ୍ଡ ଦୂତକିନ୍ ସାହାୟ୍ୟ ମାଡୁଣ୍ଡ, “ଅଣ୍ଡ ଅବ୍ରାହାମ୍‌ଡେ ବଂଶତଡକ୍ ସାହାୟ୍ୟ ମାଡିତଣ୍ଡ ।”

୧୭ ଆଦିଙ୍କ, ସାରେ ବିଷୟଡେ ତାନ୍ ଏଲାଡତାମୁଣ୍ଡ ଲେକେମ୍ ଆଦାନଙ୍କ ଅଙ୍କ ଦାରକାର୍ ମାଡୁତା, ବେଲାକି ଅଣ୍ଡ ଅଡାଦ୍ ବିଶ୍ୱସ୍

ନୁ ଦୟାବାନ୍ ମାଡ଼ାନଶ୍ଚ ବେଡ଼ୟା ପୁଜାରି ଆସ୍ ଇଶ୍ବରନ୍ ସେବା
ମାଡ଼େପାଦ୍ ତଡ଼୍ ମେଣ୍ଡେ ନାରୁଡ଼୍ ପାପାମନ୍ତୁଞ୍ଚ୍ କ୍ଷମା ଆଦତଡ଼୍ ।

୧୮ ଆଦିଙ୍କ୍ ଅଶ୍ଚ ନିଜେ ପରିକ୍ୟା ଆସ୍ ଦୁଃକାମ୍ତେ ମାଡ଼ତଶ୍ଚ,
ପରିକ୍ୟାତାଗ୍ ମାୟାନ୍ ନାରୁଡ଼୍ କିଙ୍କ୍ ଗେଲ୍ ସ୍ବାନ୍ ମାଇଦିଙ୍କ୍ ପାର୍ଦତଶ୍ଚ
।

୩

ଜିସୁ ମଶାନାଗାଙ୍କ୍ ବେଡ଼ିୟଶ୍ଚ

୧ କ୍ରିଷ୍ଟ ବିଶ୍ବାସି ଏଲାଡ଼୍ ତାମୁଶ୍ଚ, ମିକିଂଙ୍କ୍ ଗାଲା ଇଶ୍ବର କାରଙ୍ଗତଶ୍ଚ,
ମିଡ଼୍ ଜିସୁନ୍ ବିଷୟତେ ଆଲ୍ ସାଟ୍ ! ଅଙ୍କ୍ ମାନ୍ ବିଶ୍ବାସିଡ଼୍ ବାଡ଼ିୟା
ପୁଜାରି ଆଦାନଙ୍କ୍ ଇଶ୍ବର ପ୍ରେରିତ ମାଡ଼ିମିୟେଶ୍ଚ ।

୨ ମଶାଲ୍ ବେଲା ଇଶ୍ବରତେ ଲନ୍ ବିଶ୍ବାସତେ ପାଡ଼ିୟ
ମାଡ଼ିମାଡ଼ତଶ୍ଚ, ଇଶ୍ବର ଏଞ୍ଚ୍ତେ ଜିସୁ ମେଣ୍ଡେ ଆଲେକେ ଇଶ୍ବରନ୍
ସେଙ୍ଗେ ବିଶ୍ବାସତେ ପାଡ଼ିୟ ମାଡ଼ମାଡ଼ତଶ୍ଚ ।

୩ ଇଡ଼କେ ଲୋନ୍ତାଗାଙ୍କ୍ ଲୋନ୍ ମାଡ଼ତେନଙ୍କ୍ ନାଗେ ସମ୍ମାନ୍
ଦକ୍ ତା । ଆଲେକେ ମଶାନାଗାଙ୍କ୍ ଜିସୁ ନାଗେ ସାମ୍ମାନ୍ ପାଏମ୍
ଆଦାନଙ୍କ୍ ଯୋଗ୍ୟ ।

୪ ସାରେ ଲକ୍ ବେନ ବା ବେନ ମାଡ଼ତାଞ୍ଚ୍, ଇଡ଼କେ ଇଶ୍ବର ସାରେ
ବିଷୟ ତିଆର୍ ମାଡ଼ାନଶ୍ଚ ।

୫ ସେବକ୍ ଇସାବ୍ତେ ମଶାଲ୍ ଇଶ୍ବରନ୍ ଲନ୍ ବିଶ୍ବାସତେ ପାଡ଼ିୟ
ମାଡ଼ିମାଡ଼ତଶ୍ଚ ମେଣ୍ଡେ ଅନ୍ ପାଡ଼ିୟ ଇଶ୍ବର ବବିଷ୍ୟତ୍ତେ କେତାନଙ୍କ୍
ମାୟାନ୍ ଇଚ୍ଛା ମାଡ଼ିମାୟାନ୍ ଆଦେ ବିଷୟତେ ଉଦାରନ୍ ଲେକାମ୍ ।

୬ ଇଡ଼କେ କ୍ରିଷ୍ଟ ମାର୍ ଲେକାମ୍ ଇଶ୍ବରନ୍ ପୁରାଲୋଡ଼ତେ
ଦାୟିଡ଼ତାଗ୍ ବିଶ୍ବସ୍ତ ମିୟେଶ୍ଚ । ମାନାଡ଼୍ ଯଦି ଡାଟୁମ୍ତେ କେଡ଼ତାଞ୍ଚ୍
ବିଷୟ ଦକ୍ ତା ଇଞ୍ଚ୍ ମାନ୍ ବିଶ୍ବାସତେ ଡୁଟାଙ୍କ୍ ମାନତାଡ଼୍,
ଆଲାଈଡ଼କେ ମାନାଡ଼୍ ଗାଲା ଅନ୍ ଲୋନ୍ ଆଦେପାର୍ଦତାଡ଼୍ ।

ଇଶ୍ବରତେ ନାରୁଡ଼୍ ସେଙ୍ଗେ ରମାନାଦ୍

୭ ଆଦିଙ୍କ୍ ପବିତ୍ର ଆମ୍ବା ବେଲା କେଡୁତଶ୍ଚ,
“ନେଶ୍ଚ ଯଦି ମିଡ଼୍ ଇଶ୍ବରନ୍ ଗର୍ କେଞ୍ଜିଡ଼ିଡ଼୍,

୮ ଆଲାଉତକେ ମି ଆନିଦାଦିଡ଼, ଲେକାମ୍ ହୁଦୟତିଙ୍କ କଟିନ୍
ମାଡ଼ମାଟ୍,

ଉସ୍ମନେଲ୍‌ଦାଗ୍ ଅଡ଼୍ ଆଦ୍ ଦିନେ ଇଶ୍ବରଙ୍କ ପରିକ୍ୟା ମାଡ଼ି ଅନ୍
ବିରୁଦ୍ଧତେ ନିସ୍ମାଡ଼ତଡ଼ ।

୯ ଇଶ୍ବର କେତୁତଣ୍ଡ, ଆଗା ଅଡ଼୍ ନାୟାଦ୍ ଲାଖ୍‌ଦିଙ୍କ ନୁ ତାରୁମ୍‌ତିଙ୍କ
ପରିକ୍ୟା ମାଡ଼ତଡ଼,

ନାନ୍ ଚାଲିଶ୍ ଏଣ୍ଡକ୍ ଯାକ ନାନ୍ ବେନାସାରେ ପାଡ଼ିୟ୍
ମାଡ଼ିମାଡ଼ତାନ୍, ଆଦ୍ ଅଡ଼୍ ଉଡ଼ିମାଡ଼ତଡ଼ ।

୧୦ ଆଦିଙ୍କ ନାନ୍ ଅଡ଼୍ ପର୍ ନେକକା କପାମ୍ ଆସ୍ କେଡ଼ତାନ୍,
ଅଡ଼୍ ସାରେଦାମ୍ ବିଶ୍ବାସ୍ ଇଲ୍‌ଝେନଡ଼୍ ମେଣ୍ଡେ ନା ଗର୍
କେଞ୍ଜନଙ୍କ ଇଷ୍ଟାମ୍ ଇଲ୍‌ଝାନଡ଼୍ ।

୧୧ ନାନ୍ କପାମ୍ ଆସ୍ ଶପଡ଼ ମାଡ଼ତାନ୍, ‘ନାନ୍ ବେନ୍ ଦେଶ୍‌ତାଗ୍
ରମାନଙ୍କ ଇଝେନ୍,

ଆ ଦେଶ୍‌ତାଗ୍ ଅଡ଼୍ ବେସୁର୍‌ବା ନେଙ୍ଗା ପାଞ୍ଜିଡ଼୍ ।’ ”

୧୨ ଅବିଶ୍ବାସୀ ଦାଦାଲଡ଼ି ନୁ ଏଲାସ୍, ସାବଦାନ ମାନୁର୍, ମିୟାଗାଙ୍କ
ବେନନ୍ ହୁଦୟ୍ ବେଲାକି ପାପ୍ ନୁ ବିଶ୍ବାସ୍ ଇଲ୍‌ଝା ମାଞ୍ଜି ଜିଝୁ ମାନ୍ଦାନ୍
ଇଶ୍ବରନ୍‌ସ୍ତୁ ଝେରେ ଆୟମାକି ।

୧୩ ଇଡ଼କେ ବେସୁର୍‌ବା ପାପ୍‌ତେ ଆଶେଡ଼ ଟକେମ୍ ଆସ୍ ମିୟାଗାଙ୍କ
ବେନନ୍ ମନ୍ ତୁଟାଙ୍ଗ୍ ଆୟମାକି, ଆଦିନ୍ ମାଉଦିଙ୍କ ନେଣ୍ଡ୍ ସମୟ୍
ମାଞ୍ଜି ମାଞ୍ଜି ଝେରଣ୍ଡ୍ ମେଣ୍ଡିଝେରଙ୍କ ଝେଡ଼କେ ମାଡ଼ାଟ୍ । ମେଣ୍ଡେ
ଦର୍ମଶାସ୍ତ୍ରତାଗ୍ ଲେକ୍‌ତାଦ୍, “ନେଣ୍ଡ୍” ଲେଙ୍ଗ୍ ବେସୁର୍ ଆନା ମାନ୍
ସେଙ୍ଗେ ଦରକାର୍, ଆସୁର୍ ଆଦ୍ ମାଡ଼ମାନୁର୍,

୧୪ ଯଦି ମାନାଡ଼୍ ମାଡେଙ୍ଗ୍ ଆୟନା ସାୟେ ବିଶ୍ବାସ୍‌ତେ ମାନ୍‌ତାଡ଼,
ଆଲାଉତକେ ମାନାଡ଼୍ ସାରେତଡ଼୍ କ୍ରିଷ୍ଟନ୍‌ତଡ଼୍ ଆଂଶିଦାର୍ ଆଦେ
ପାର୍‌ଦତାଡ଼୍ ।

୧୫ ଦର୍ମଶାସ୍ତ୍ରତାଗ୍ ଲେକ୍‌ତାଦ୍ ମିନ୍ଦେ,

ନେଣ୍ଡ୍ ଯଦି ମିଡ଼୍ ଇଶ୍ବରନ୍ ଗର୍ କେଞ୍ଜିଡ଼ିଡ଼୍,

ଆଲେକେ ନି ଆନିଦାଦିଡ଼୍ ହୁଦୟ୍ ତିପାଲ୍ ମାଡ଼ି ଇଶ୍ବରନ୍ ପର୍
ବେଲା ବିରୁଦ୍ଧ ମାଡ଼ିମାଡ଼ତଡ଼୍, ଆଲା ମାଡ଼ମାଟ୍ ।

୧୭ ଇଶ୍ଵରନ୍ ଗଟ୍ କେଞ୍ଜି ଗାଲେୟ୍ ବେନଡ୍ କି ଅନ୍ ପର୍ସ ବିରୁଦ୍ ମାଡ଼ତଡ଼, ଅଡ଼ ବେନଡ଼ ? ବେନ୍ ନାରୁଡ଼କିଙ୍କ୍ ମଶାଲ୍ ମିସର୍ ଦେଶ୍ନୁଞ୍ଜ୍ କାର୍ଜି ତାସମାଡ଼ତଣ୍ଡ, ଅଡ଼ ଆୟଡ଼ କି ।

୧୭ ଚାଲିଶ୍ ଏଣ୍ଡ ପଇସ୍ ବେନ ଇଶ୍ଵରତିଙ୍କ୍ କପାମ୍ ମାଡ଼ିମାଡ଼ତଡ଼, ଅଡ଼ ବେନଡ଼ ? ବେନଡ଼ ପାପ୍ ପାଡ଼ୟି ମାଡ଼ି ଉସ୍ମନେଲ୍ଦାଗ୍ ଡଲିମାଡ଼ତଡ଼, ଅଡ଼ ଆୟଡ଼ କି ।

୧୮ ଇଶ୍ଵର ବେସୁଙ୍କ୍ ଶପଡ଼ ମାଡ଼ି କେସମାଡ଼ତଣ୍ଡ ଯେ, ଅଡ଼ ମାନୁଞ୍ଜାଦ୍ ରମାନାଗ୍ ବେସୁଟ୍ବା ନେଙ୍ଗେ ପାଞ୍ଜିଡ଼, ଆସୁଙ୍କ୍ ଅଣ୍ଡ ବେନ୍ ନାରୁଡ଼ ବିଷୟତେ ଆଦ୍ କେସମାଡ଼ତଣ୍ଡ ? ବେନଡ଼ ବିରୁଦ୍ ମାଡ଼ିମାଡ଼ତଡ଼, ଅଡ଼ ବିଷୟତେ ଅଣ୍ଡ ଆଦ୍ କେସମାଡ଼ତଣ୍ଡ ।

୧୯ ଆଦିଙ୍କ୍ ମାମେ ଉଡ଼ମିନ୍ଦେମ୍ ଯେ, ତାମାଦ୍ ଅବିଶ୍ଵାସୀତେ ମାଉଦିଙ୍କ୍ ଅଡ଼ ଆ ପ୍ରତିଜ୍ଞା କିଶାନ ଦେଶ୍ତାର୍ଗ୍* ନେଙ୍ଗେ ପାଞ୍ଜିଡ଼ ।

୪

୧ ମାନାଙ୍କ୍ ବେନ୍ ପ୍ରତିଜ୍ଞାତ କିଶାନ ଦେଶ୍ତାର୍ଗ୍* ଇଦ୍ତାନ ଇଞ୍ଜ ଇଶ୍ଵର କେସମାଡ଼ତଣ୍ଡ, ଆଦ୍ ଇଞ୍ଜେ ଗାଲା ପ୍ରତିଜ୍ଞାତ ମିନ୍ଦେ । ଆ ପ୍ରତିଜ୍ଞା ରମାନ ଦିନେ ବେନନ୍ ବେଲାକି ବାଡ଼ ଆୟମାକିଣ୍ଡ, ଆଦିନ୍ ମାଉଦିଙ୍କ୍ କେପିମାନୁଟ୍ ।

୨ ବାଡ଼ାଙ୍କ୍ ଇଡ଼କେ ଅଡ଼ ଲେକେମ୍ ମାମ୍ ଗାଲା ସୁସମାତାର୍ କେଞ୍ଜିତମ୍ । ଅଡ଼ ଆଦ୍ କେଞ୍ଜି ଗାଲେୟ୍ ବିଶ୍ଵାସ୍ ମାଡ଼ତଡ଼ । ଆଦିଙ୍କ୍ ଅଡ଼ ସାଙ୍କ୍ ଆଦ୍ ସାୟେତାଦ୍ ଆୟୁଞ୍ଜାମାଡ଼ତେ ।

୩ ଇଡ଼କେ ବେନଡ଼ ମାୟାଗାନୁଞ୍ଜ୍ ବିଶ୍ଵାସ୍ ମାଡ଼ିତଡ଼, ଅଡ଼ ଯେ ଇଶ୍ଵର କେସମାଡ଼ତାଦ୍ ରମାନାଦ୍ ଦର୍ସ୍ସେ ପାଦ୍ ତଡ଼, ବାତେଙ୍କ୍ ଇକ୍ତେ ଇଶ୍ଵର କେଡ଼ତଣ୍ଡ, “ନାନ୍ କପାମ୍ ଆସ୍ ଶପଡ଼ ମାଡ଼ତାନ, ଅଡ଼ ନା ରମାନାଗ୍ ନେଙ୍ଗେ ପାଞ୍ଜିଡ଼ ।” ଯଦିବା ଇଦ୍ ବିଶ୍ଵାମ୍ ଜଗଡ଼ ସୃଷ୍ଟିତାଗାଙ୍କ୍ ତିଆର୍ ଆସ୍ମିନ୍ଦେ ।

୪ ଅଣ୍ଡାଗ୍ ଦର୍ମଶାସ୍ତ୍ରତାଗ୍ “ସାଡ଼ ଦିନେତେ,” ବିଷୟତେ ଇଲା ଲେକ୍ତାଦ୍ ମିନ୍ଦେ, “ଇଶ୍ଵର ତାନ୍ ସାର୍ଗେ ପାଡ଼ୟି ତେରସ୍ପିସ୍ ସାଡ଼ ଦିନାମ୍ତେ ରମ୍ତଣ୍ଡ ।”

* ୩:୧୯ ପ୍ରତିଜ୍ଞା କିଶାନ ଦେଶ୍ତ * ୪:୧ ପ୍ରତିଜ୍ଞା କିଶାନ ଦେଶ୍ତ

୫ ମେଣ୍ଡେ ଇଦିନ୍ ବିଷୟତେ ମେଣ୍ଡୁଅଣ୍ଟାଗ୍ ଲେକ୍ତାଦ୍ ମିନ୍ଦେ,
“ଇଶ୍ବର କେଡ଼ତଣ୍ଡ, ଅଡ଼୍ ନା ରମାନାଗ୍ ବେସୁଙ୍କ୍ବା ନେଙ୍ଗେ ପାଞ୍ଚଡ଼୍
।”

୬ ବେନଡ଼୍ ମୁନେଙ୍କ୍ ସୁସମାଚାର୍ କେଞ୍ଜିମାଡ଼ତଡ଼୍, ନିଜର୍
ଅବିଶ୍ବାସ୍ତେ ମାଇଦିଙ୍କ୍ ଆ ରମାନାଗ୍ ନେଙ୍ଗାନଙ୍କ୍ ପାଞ୍ଚେମାଡ଼ତଡ଼୍
। ଇଞ୍ଜେ ଝେରେତଡ଼୍ ଆ ରମାନାଗ୍ ଆଦାନଙ୍କ୍ ସୁଯଗ୍
ପାଏମ୍ଆଡ଼ତଡ଼୍;

୭ ବାତାଙ୍କ୍ଇଡ଼କେ ଅଡ଼୍ ମାଇଦିଙ୍କ୍ ଇଶ୍ବର ମେଣ୍ଡୁଅରର୍ ଦିନାମ୍
ଟିକ୍ ମାଡ଼ିମିନ୍ଦେଣ୍ଡ ମେଣ୍ଡେ ଆ ଦିନାମ୍ ଆଦୁଡ଼୍, “ନେଣ୍ଡ ।” ନାଗେ
ଏଣ୍ଡକ୍ ପେକେ ଦାଉଦ୍ତାଦ୍ ଶାସ୍ତ୍ର କେତୁଡେ, ବେଲାକି ମୁନେଙ୍କ୍
କେସ୍ମାଡ଼ତାଦ୍ ମିନ୍ଦେ, “ନେଣ୍ଡ ଯଦି ମିଡ଼୍ ଅନ୍ ଗର୍ କେଞ୍ଜୁଡିଡ଼୍, ମି
ହୁଦୟଡିଙ୍କ୍ ତୁଟାଙ୍ଗ୍ ମାଡ଼ମାର୍ ।”

୮ ଯଦି ଯିହଶ୍ବୟ ନାରୁଡ଼୍କିଙ୍କ୍ ଇଶ୍ବର କେଡ଼ତାଦ୍ ରମାନାଦ୍
ଇଞ୍ଜେଣ୍ଡ, ଆଲେକେ ଇଶ୍ବର ପେକେ ମେଣ୍ଡୁଅରର୍ ରମାନାଦ୍ ଗର୍
କେଲେଣ୍ଡ ଆୟେଣ୍ଡ ।

୯ ଆଦିଙ୍କ୍ ଇଦ୍ ସ୍ପଷ୍ଟ ଜେ ଇଶ୍ବରତେ ନାରୁଡ଼୍ ମାଇଦିଙ୍କ୍ ଅରର୍
ବିଶେଷ୍ ରମାନାଦ୍ କେପି ମିନ୍ଦେ ।

୧୦ ଇଶ୍ବର ବେଲା ତାନ୍ ପାଡ଼୍ଯିନ୍ଦୁଞ୍ଚ ରମ୍ତଣ୍ଡ, ବେନଆୟି
ଇଶ୍ବରତେ ରମାନାଗ୍ ନେଙ୍ଗତଣ୍ଡ, ଅଣ୍ଡ ଗାଲା ନିଜର୍ ପାଡ଼୍ଯିଡେ
ଆୟିତାଗାଙ୍କ୍ ରମାନାଦ୍ ପାଏମ୍ଆଡ଼ତଣ୍ଡ ।

୧୧ ଆଦିନ୍ସେଙ୍ଗେ ମାନାଗାନୁଞ୍ଚ ବେନ ବେଲାକି ନିଜର୍
ଅବିଶ୍ବାସ୍ତେ ମାଇଦିଙ୍କ୍ ଆ ନାରୁଡ଼୍ଲେକେମ୍ ଆଦ୍ ରମାନାଗାନାଙ୍କ୍
ବଞ୍ଚିତ ଆୟଣ୍ଡ, ଆଦିନ୍ ସାଙ୍ଗ୍ ପାର୍ତେଆସର୍ ଚେଷ୍ଟା ମାଡ଼ିତାଡ଼୍ ।

୧୨ ଇଶ୍ବରତେ ଗର୍ ଜିଞ୍ଜୁତାଦ୍ ନୁ ଆଦ୍ ବିଶ୍ବାତେ ମିନ୍ଦେ । ଆଦ୍ ରେଣ୍ଡ
ଝାୟେ ସୁରକେସେର୍ ତାଗାଙ୍କ୍ ଗାଟି ଅଲ୍ଡେ; ଆମ୍ବା ନୁ ଜିଞ୍ଜେ ମେଣ୍ଡେ
ବୁଲା ନୁ ମେଦୁର୍ ଝେରେ ମାଡ଼ିଡେ, ମେଣ୍ଡେ ନାରୁଡ଼୍ତେ ମନ୍ତାଗ୍
ଆଲ୍ଯାନାଦ୍ ନୁ ଚିନ୍ତେ ମାଡ଼ାନାଦ୍ ବିଚାର୍ ମାଡ଼ିଡ଼୍ ।

୧୩ ଇଶ୍ବରତାଗ୍ ବାତେବା ମିଞ୍ଜିମାନ୍ଦେପାଞ୍ଚ୍; ସାରେ ବୁମ୍ତେ ସାରେ
ବିଷୟ ତାନ୍ ଏକାମ୍ ଉଡ଼ାନ୍ କଣ୍ଡାନ୍ ମୁନେ ମୁସ୍ତେ ଲେକାମ୍
ଇଲ୍ଲେ ନୁ ତେରୟ୍ତେ ଲେକାମ୍ ମିନ୍ଦେ । ଆ ଇଶ୍ବରନ୍ ମୁନେ

ମାନାଡ଼ ଇସାବ୍ ଇଦାନଙ୍କ ଆଦତେ ।

ଜିସୁକେ ବେଡ଼ୟେ ପୁଜାରି

୧୪ ବାତେଙ୍କକେ ଇଶ୍ବରନ୍ ମାର୍ ଜିସୁ ସ୍ବର୍ଗତାର୍ ଆଞ୍ଜିନିଦେଶ୍, ଅଣ୍ ମାନ୍ ବେଡ଼ୟେ ପୁଜାରି ଆଡ଼ତାଙ୍କକେ ଖାରାଟ୍, ମାନାଡ଼ ମାନ୍ ବିଶ୍ବାସତିଙ୍କ ତାରୁମ୍ତେ ପଇସ୍ ମାନ୍ଦାଙ୍କ୍ ଖେୟତିଡ଼ ।

୧୫ ବେନ ମାନାଦ୍ ଦୋଷ୍ଟିଙ୍କ୍ ଉଡ଼ାନଙ୍କ୍ ପାଖିଣ୍, ଇଦ୍ଲେକାମ୍ ବେଡ଼ୟେ ପୁଜାରି ଅଣ୍ ଆୟଣ୍ । ଅଣ୍ ତ ମାନ୍ ବେଡ଼ୟେ ପୁଜାରି, ମାନ୍ ଲେକାମ୍ ସାର୍ରେ ପରିକ୍ୟା ଆସ୍ମାଡ଼କେ ମିକା ଅଣ୍ ପାପାମ୍ କିଞ୍ଚେ ମାଡ଼ତଣ୍;

୧୬ ଆଦିଙ୍କ୍ ମାନାଡ଼ ଖେୟତିଙ୍କେ ଇଶ୍ବରନ୍ ଦୟା ସିଂହାସନ୍ତାର୍ ଆଦେପାଦ୍ ତାଡ଼ । ଆଗେ ମାନାଙ୍କ୍ ବେସୁଙ୍କ୍ ବାତେ କାଞ୍ଜାଲ୍ ଆସୁଙ୍କ୍ ମାନାଦ୍ ସାୟେଡ଼ ମାଇଦିଙ୍କ୍ ଦୟା ନୁ ସୁକାମ୍ ଦକ୍ ତା ।

୫

୧ ସାର୍ରେ ବେଡ଼ୟେ ପୁଜାରିଡ଼ ତାମ୍ ଜାତିନ୍ ନାରୁଡ଼ାଗାଙ୍କ୍ ଏଞ୍ଜିଆସ୍ ନିତିତଡ଼ । ଅଣ୍ ଅଡ଼ପାକାଙ୍କ୍ ପାପାମ୍ ମାୟି ଇଞ୍ଜ ପୁଜେ ଇଦ୍ତଣ୍ ନୁ ଦାନ୍ ଇସ୍ମାଞ୍ଜ୍ ଇଶ୍ବରନ୍ ସେବା ମାଡ଼ିତଣ୍ ।

୨ ଅଣ୍ ନିଜେ ନାଗେ ପ୍ରକାର୍ ଦଷ୍ ଦୁର୍ବଲ୍ ତଡ଼ ନିଶ୍ଚିମାନ୍ଦାନ୍ ମାଇଦିଙ୍କ୍ ଦଷ୍ଟଡ଼ି ମାଡ଼ମାନ୍ଦାନ୍ ମୁର୍କ୍ ନାରୁଡ଼କ୍ ସାୟେ ଆଲ୍ସିତଣ୍ ।

୩ ଆଦିନ୍ସେଙ୍ଗା ଆନ୍ଧେ ନାରୁଡ଼ ପାପାମ୍ତେ ମାଇଦିଙ୍କ୍ ବଲି ମାଡ଼ିତଣ୍; ଆଦ୍ ଆୟ, ଅଣ୍ ତାନ୍ ମାଡ଼ତେ ପାପାମ୍ତେ ମାଇଦିଙ୍କ୍ ମିକା ବଲି ଇଦାନଙ୍କ୍ ଆଦତେ ।

୪ ବେନ ତାମ୍ ମାନ୍ତେ ବାଡ଼ୟେ ପୁଜାରି ଆୟେପାର୍ଡ଼, ହାରୋଣ୍ଡିଙ୍କ୍ ବେଲା ପରମେଶ୍ବର ନିତାକିଡ଼ତଣ୍; ଅଣ୍ ପୁଜାରି ଆଡ଼ତଣ୍ ।

୫ ଆଦେଲେକାମ୍ ଜିସୁ ଗୌରବ୍ତେ ବେଡ଼ୟେ ପୁଜାରି ଆଦାନଙ୍କ୍ ଅଂକିଙ୍କ୍ ଏଞ୍ଜଣ୍; “ନିମା ନା ମାର୍, ନେଟେନୁଞ୍ ନାନ୍ ନି ବାବାଲ୍ ଆଡ଼ତାନ୍ ଇଞ୍ଜ ଇଶ୍ବର ଅଂକିଙ୍କ୍ କେଡ଼ତଣ୍ ।”

୭ “ନିମ୍ନେ ପୁଜାରି ପଦ୍ମାଗ୍ନି ମଲ୍ଲକିସେଦକ ଲେକେନ୍ ଉତ୍ତରାଦିକାରୀ ସାରେଦିନାତ୍ ପୁଜାରି ଆଦତିନ୍, ଇଞ୍ଜ ପରମେଶ୍ୱର କେତ୍ତତ୍ତ୍ୱ ।”

୭ ☆ବେନ୍ ଇଶ୍ୱର ଅଙ୍କ ତଲାନାଗାଙ୍କ ରକ୍ଷା ମାତ୍ରେପାରଦ୍ତତ୍ତ୍ୱ, ଅନ୍ ଗାରେ ଜିସୁ ପୁରା ଜିହ୍ୱା କେନ୍ଦ୍ରି କେନ୍ଦ୍ରି କାଣ୍ଡେଡି ରାପି ବିନତି ପ୍ରାର୍ଥନା ମାତ୍ତତ୍ତ୍ୱ । ଅଣ୍ଡ ନମ୍ର ନୁ ସାୟେ ଆସ୍ ମାନ୍ଦାନ୍ ମାଲଦିଙ୍କ, ଇଶ୍ୱର ଅନ୍ ପ୍ରାର୍ଥନା କେଜ୍ତତ୍ତ୍ୱ ।

୮ ଯଦି ଅଣ୍ଡ ଇଶ୍ୱରତେ ମାର୍ ଆଦକେ ଗାଲା, ଅଣ୍ଡ ଦୁକାମ୍ କଷ୍ଟତତ୍ତ୍ୱ ନିୟମ୍ ପାଲନ୍ ମାତ୍ତାନଙ୍କ ନାତ୍ତତ୍ତ୍ୱ ।

୯ ଇଦ୍‌ରକମ୍ ଇଶ୍ୱର ଅଂକିଙ୍କ ଖେରଣ୍ଡ ସିଦ୍ଧ ବେତ୍ତୟେ ପୁଜାରି ଇଞ୍ଜ ଯୋଗ୍ୟ ବିବେଚିତ୍ ମାତ୍ତତ୍ତ୍ୱ, ଅଣ୍ଡ ତାନ୍ ଗତି କେଜ୍ଜାନ୍ ନାରୁତ୍ ମାଲଦିଙ୍କ ସାରେ ଦିନାମ୍ତେ ମାଲଦିଙ୍କ ପରିତ୍ରାଣତେ ଗୁଦାମ୍ ଆଦତିତ୍ତ୍ୱ ।

୧୦ ମେଣ୍ଡେ ଅଙ୍କ ମଲ୍ଲକିସେଦକ ଲେକାମ୍ ଉତ୍ତରାଦିକାରୀ ବେତ୍ତୟେ ପୁଜାରି ଆଦତିତ୍ତ୍ୱ ଇଞ୍ଜ ପରମେଶ୍ୱର ଅଙ୍କ ଗୋଷଣା ମାତ୍ତତ୍ତ୍ୱ ।

ବିଶ୍ୱାସ୍ ଆରାମାତ୍ତାନାଦ୍ ପରିଣାମ୍

୧୧ ଇଦ୍ ବିଷୟତେ ମାମ୍ ନାଗେ ଗତି କେତାନଙ୍କ ଇଚ୍ଛା ମାତ୍ତତ୍ତ୍ୱ, ଇଦ୍‌କେ ମିକିଙ୍କ ବୁଜାମାତ୍ତାନାଦ୍ କଷ୍ଟ ଆଦୁତ୍, ବାତେଙ୍କିଦ୍‌କେ ମିତ୍ ଆମ୍ବିକ୍ ଜିହ୍ୱା ନୁ ମନ୍ତାଗ୍ ବୁଜେମ୍ ଆଦାନଙ୍କ ଜାମ୍ ବୁଜେମ୍ ଆଦତିତ୍ତ୍ୱ ।

୧୨ ☆ମିତ୍ ଅରତୁଙ୍କ କାର୍ଯ୍ୟପାନାଦ୍ ସମୟ ଖାତ୍ତେ, ଇସୁର୍ ଆୟନା ଇଶ୍ୱରତେ ମୁନେନ୍ ନାତ୍ତୟାନ୍ ଶିକ୍ଷା ସେଜେ ମେସ୍ତେରି ଦର୍ବକାର୍ ଆଦୁତେ । ମିତ୍ ବେତ୍ତୟତ୍ ତିନ୍ଦାନ୍ କାଦି ଝିତ୍ତ୍ୱି ଇଞ୍ଜେକ୍ ଆନା ପିଲାନ୍ ଲେକାମ୍ ପାଲ୍ ଉନ୍ନତିତ୍ତ୍ୱ ।

୧୩ ବେନ୍ ଆସାମ୍ ପାଲ୍ ଉନ୍ନତିତ୍ତ୍ୱ, ଅଣ୍ଡ ପିଲାତ୍ ଲେକେଡ୍ ମାନ୍‌ତତ୍ତ୍ୱ, ଆଦିଙ୍କ ଅଣ୍ଡ ସାୟେ କି କାରାପ୍ ପୁନ୍ଦାନଙ୍କ ବୁଦ୍ ଇଲ୍‌ଲା ।

☆ ୫:୭ ମାତିଉ ୨୭:୩୭-୪୭; ମାର୍କ ୧୪:୩୨-୪୨; ଲୁକ ୨୨:୩୯-୪୭. ☆ ୫:୧୨ ୧ କରନ୍ତିୟ ୩:୨.

୧୪ ମେଣ୍ଡୁନରକମ୍ କଟିନ୍ କାଦି ବୟସେ ନାରୁଡ଼, ସେଙ୍ଗେ; ଅଡ଼, ଜିହ୍ଵାତାଗ୍ ତିନ୍ତେ ମାଡ଼ି ସାୟେ ନୁ କାରାପ ପୁନ୍ଦାନଙ୍କ ପାରଦତଡ଼ ।



୧ ଆଦିଙ୍କ ମାନାଡ଼, କ୍ରିଷ୍ଣ ଦର୍ମତାଦ ମୁନେନତାଝୁ ତଥ୍ୟ ଝିଡ଼ସି, ନିଗୁଡ଼ ତଥ୍ୟ ଶିକ୍ଷା ମାଡ଼ାନ୍ ଦରକାର, ଇହୁ ବଲାନ କାମନୁଞ୍ଚ ମାଲସ୍ ଇଶ୍ଵରତାଗ୍ ବିଶ୍ଵାସ୍ ମାଡ଼ିତାଡ଼,

୨ ଏର ଦୀକ୍ଷା ବିସୟତେ ଶିକ୍ଷା, କାୟ ଖାଟି ପ୍ରାର୍ଥନା ମାଡ଼ାନାଦ୍, ବାଡ଼ିୟା ବିଚାର, ତଲତେରଡ଼, ତେଦାନାଦ୍ ନୁ ସାରେଦିନାଡ଼ ଦଣ୍ଡ ଇଦ୍ ବିଷୟକିନାକ୍ ମିଳିଙ୍କ ମେଣ୍ଡୁନଦାମ୍ ଶିକ୍ଷା ଇଦାନ୍ ଦରକାର ଇଲ୍ଲେ ।

୩ ମାନଡ଼ ଇଞ୍ଜେ ମୁନେ ଆଦା ଖାୟତିଡ଼, ଇଶ୍ଵରନ୍ ପର୍ ଆଶେମାଡ଼ି ଇଦେ ମାନାଡ଼ ମାଡ଼ିକାଡ଼ ।

୪ ବେନଡ଼, ବିଶ୍ଵାସ୍ ଝିଡ଼ସ୍ତଡ଼, ଅଡ଼, ଏକାମାଡ଼ି ମେଣ୍ଡେ ଖାଦା ପାଦ୍ ତଡ଼ କି ? ଅଡ଼ ଆସୁଙ୍କ ଇଶ୍ଵରନ୍ ଝେସ୍ତେ ବାଦ୍ କ ମାଡ଼ତଡ଼, ସ୍ଵର୍ଗତାଦ୍ ଦାନାମ୍ ନାକି, ପବିତ୍ର ଆମ୍ ଦସ୍ ମାଡ଼ତଡ଼ ।

୫ ପରମେଶ୍ଵରତା ଗଟି ମେଲ୍ତାଝୁ ଇଞ୍ଜ ପୁଡ଼ତଡ଼, ଖାଇନାଦ୍ ମୁଗାତେ ପରମେଶ୍ଵର ତଅସିତେ ଶକ୍ତିତିଙ୍କ ନେକା ନେଲା ପୁଡ଼ତଡ଼,

୬ ଆଗେକ୍ବା ଅଡ଼, ବିଶ୍ଵାସ୍ ଆରାମାଡ଼ତଡ଼, ଆଦିଙ୍କ ଅଡ଼, ମେଣ୍ଡୁନଦାମ୍ ଅନୁତାପ ମାଡ଼ାନ୍ ସେଙ୍ଗେ ଅଡ଼କିଙ୍କ କେତେ ପାରନାୟ । ବାତାଙ୍କଇଡ଼କେ ଅଡ଼ ମାନ୍ ପରମେଶ୍ଵରନ୍ ମାରିଙ୍କ ମେଣ୍ଡେ କୃଗତାଗ୍ କୁଟି କଟି ଅଂକିଙ୍କ ପରିହାସ୍ ମାଡ଼ତଡ଼ ।

୭ ବେନା ବୁମ୍ ମୁସୁର ଏର ଗ୍ରହନ୍ ମାଡ଼ି ଚାଷୀନ୍ ସେଙ୍ଗେ ସାୟେ ପାଣ୍ଡି ଆଦସ୍ତିତା, ଆ ବୁମ୍ତିଙ୍କ ଇଶ୍ଵର ଆଗ୍ ବାଦ୍ ମାଡ଼ିତଣ୍ଡ ।

୮ ଇଡ଼କେ ଆ ବୁମ୍ ଯଦି କୟେ ପଦଲା ନୁ ଟଣ୍ଡା ପଦଲା ପେୟତିତା ଆଲାଈଡ଼କେ ଆଦିନାଦ୍ ବାତେ ମୂଲ୍ୟ ଇଲେ । ଆଦ୍ ଇଶ୍ଵରତେ ଅବିସାପ୍ ପାଏମଆଦ୍ତେ ନୁ କିସତାଗ୍ ଦଂସ୍ ପାଏମଆଦ୍ତେ ।

୯ ଆ ନା ପ୍ରିୟ ଏଲାଡ଼ତାମୁଣ୍ଡ, ମାନାଡ଼ ଇଦ୍ଲେକାମ୍ ଗଟି କେତକେ ଗାଲେୟ୍ ମି ପର ମାଝାଦ୍ ଆଶେ ମିନ୍ଦେ; ମିଡ଼, ପରିତ୍ରାଣ ପାଏମ୍ ଆଦାନ୍ ସେଙ୍ଗେ ଆଗ୍ ବାଦ୍ ପାତ୍ର ଆଡ଼ତିଡ଼ ।

୧୦ ଇଶ୍ବର କାରାପ୍ ମାଡ଼ଣ୍ଡ, ମିୟାଦ୍ ପାଡ଼ଣ୍ଡ, ବିଶେଷ୍ ମାଡ଼ି ଆନ୍ଧେ ନାରୁଡ଼କିଙ୍କ୍ ସାହାଯ୍ୟ ମାଡ଼ି ଇଶ୍ବରନ୍ ପର୍ ମିଡ଼୍ ବେନ୍ ପ୍ରେମାନ୍ ତଅସ୍ ମିନ୍ଦେଡ଼ି, ଆଦ୍ ଅଣ୍ ମାର୍ଗଣ୍ ।

୧୧ କିନ୍ତୁ ମାନ ଅଣ୍ଡୟ ଇଚ୍ଛା ମାଡ଼େକ୍ ଆୟନା ଆନ୍ଧେ ନାରୁଡ଼ ପ୍ରତି ନିୟାଦ୍ ଖେଡ଼କା ମାନି, ଆଲେକେ ମିଡ଼୍ ବାଡ଼ ଆଗେ ମାଡ଼ିତଡ଼୍ ଆଦ୍ ପୁରା ଆଦତେ ।

୧୨ ଆଲାଇଡ଼କେ ମିଡ଼୍ ବେସୁର୍ବା ରମାଖାକର୍ ଦୁଡ଼ ବିଶ୍ବାସୀ ନୁ ଶକ୍ତି ନାରୁଡ଼ ପେକେ ଆନୁର୍, ମେଣ୍ଡେ ଇଶ୍ବର ପ୍ରତିଜ୍ଞା ମାଡ଼ିମାନ୍ଦାନ୍ ସାରେ ବିଷୟ ପାଏମ୍ ଆୟମୁର୍ ।

ଇଶ୍ବରନ୍ ପ୍ରତିଜ୍ଞା ନିଜାମ୍

୧୩ ଅବ୍ରାହାମ୍ତିଙ୍କ୍ ପରମେଶ୍ବର ବେସୁର୍ ପ୍ରତିଶ୍ରୁତି ଇଡ଼ତଣ୍ଡ, ଆସୁର୍ ଅଣ୍ ପ୍ରତିଶ୍ରୁତି ରକ୍ଷା ମାଡ଼ିତଣ୍ଡ ଇଞ୍ଜ ଶପଡ଼ ମାଡ଼ିମାଡ଼ତଣ୍ଡ । ଅନାଗାଙ୍କ୍ ଶ୍ରେଷ୍ଠ ବେନ ଇଲ୍ଲୁଖାଙ୍କ୍ ଅଣ୍ ନିଜର୍ ପେଦେର୍ତେ ଶପଡ଼ ମାଡ଼ିମାଡ଼ତଣ୍ଡ ।

୧୪ ଅଣ୍ କେଡ଼ତଣ୍ଡ, “ନାନ୍ ନିକିନ୍ ନିଜାମ୍ ଆଗର୍ ବାଡ଼ ମାଡ଼ିତାନ୍ ମେଣ୍ଡେ ନି ବଂଶତିଙ୍କ୍ ନାଗେ ପିଲୁଡ଼ ଇଦତାନ୍ ।”

୧୫ ଅବ୍ରାହାମ୍ ଗାଡ଼ସ୍ ଆସ୍ କେପିମାଡ଼ତଣ୍ଡ ।

୧୬ ନାରୁଡ଼ ଶପଡ଼ ମାଡ଼ତେଖେଲେ ନିଜର୍ତାଗାଙ୍କ୍ ମହାନ୍ ନାରୁଣ୍ଡେ ପେଦେର୍ତେ ଶପଡ଼ ମାଡ଼ିତଡ଼, ଇଦ୍ ରକମ୍ ଶପଡ଼ ମାଡ଼ାନ୍ ଦ୍ବାରା ସାରେ ତିପାଲ୍ ତେରିଆଦତେ ।

୧୭ ଇଶ୍ବର ବେନଡ଼କିଙ୍କ୍ ଆସୁସାରେ ବିଷୟ ଦାନ ମାଡ଼ିତଣ୍ଡ ଇଞ୍ଜ ପ୍ରତିଜ୍ଞା ମାଡ଼ିମାଡ଼ତଣ୍ଡ, ଆଦ୍ ପ୍ରତିଜ୍ଞାତାଗ୍ ଅଣ୍ କଟମାନ୍ତଣ୍ଡ ଇଞ୍ଜ ଅଡ଼କିଙ୍କ୍ ଲେକେଡ଼ ବାବେ କେତାନଙ୍କ୍ ଅଣ୍ ତାନ୍ ପ୍ରତିଜ୍ଞା ତଡ଼ ଶପଡ଼ କାଲ୍ପିମାଡ଼ତଣ୍ଡ ।

୧୮ ଅନ୍ ପ୍ରତିଜ୍ଞା ନୁ ଶପଡ଼ ବାଦ୍ଲେମ୍ ଆୟ, ଆଦ୍ ଉହ୍ସ ଇଶ୍ବର ବୁସାତାଦ୍ ଆୟଣ୍ । ଇକ୍ ଅନ୍ ଅଶ୍ବିତ ମାନାଡ଼, ମୁନେ ମାନ୍ଦାନ୍ ଆଗେଡ଼ିଙ୍କ୍ ତାରୁମ୍ ପଇସ୍ ମାନ୍ଦାନ୍ ମାଇଦିଙ୍କ୍ ନେକେ ଖେଡ଼କେ ଆଦୁତମ୍ ।

^{୧୯} ଇଦ୍ ଆଗେ ମାନ୍ ଜିହ୍ୱାତାର ଲଙ୍ଘନ* ଲେକାମ୍ । ଇଦ୍ ଆଗେ ମାଡ଼ାନାଦ୍ ନୁ ବିପଦ୍ ଲଲ୍ୱାଦ୍ ମେଣ୍ଡେ ସ୍ୱର୍ଗତ୍ ମନ୍ଦିରତେ ପଦା ତେରସ୍ ମହା ପବିତ୍ର ପଡ଼ିଲେତାର୍ ଏହୁତେ ।

^{୨୦} ମାନ୍ ପ୍ରତିନିଦି ଲେକାମ୍ ଜିହ୍ୱା ମୁନେନ୍ ଆଗେ ଆଡ଼ତଣ୍ଡ । ଅଣ୍ଡ ମଲ୍ଲକିସେଦକନ୍ ଉତ୍ତରାଦିକାରୀ ଲେକାମ୍ ସାରେଦିନାଡ଼ ସେଙ୍ଗେ ବେଡ଼ିଲେ ପୁଜାରି ଆଡ଼ତଣ୍ଡ ।

୭

ମଲ୍ଲକିସେଦକତେ ପୁଜାରି ପଦ୍

^୧ ଇଣ୍ଡ ମଲ୍ଲକିସେଦକ ସାଲେମତେ ରାଜାଲ୍ ମେଣ୍ଡେ ବେଡ଼ିଲେ ଇଶ୍ୱରନ୍ ପୁଜାରି ମାଡ଼ତଣ୍ଡ । ଅବ୍ରାହାମ୍ ନୁ ତାମ୍ ସାଙ୍ଗତ୍ ବେସୁଲ୍ ନାଲ୍ୱୁଡ଼, ରାଜାଲ୍ୱଡ଼କିନ୍ ଆରାମାଡ଼ି ଜୁଦନ୍ତୁ ମାଲ୍ସମାଡ଼ତଣ୍ଡ, ଆସୁଲ୍ ମଲ୍ଲକିସେଦକ ଅଙ୍କ କାଈଲି ଆଗି ବାଦ୍ ମାଡ଼ତଣ୍ଡ ।

^୨ ମେଣ୍ଡେ ଅବ୍ରାହାମ୍ ଅଙ୍କ ଯୁଦମାଡ଼ି ପାଏମ୍ଆଡ଼ତେ ସମ୍ପତିତେ ଅଣ୍ଡୟ ଦଶମାଂଶ ଦାନ ଇସମାଡ଼ତଣ୍ଡ । ମଲ୍ଲକିସେଦକନାଦ୍ ପେଦେରତାଦ୍ ମେଣ୍ଡଅଣ୍ଡ ଅର୍ଥ ଆଦୁଡ଼, “ଦାର୍ମାମ୍ ରାଜାଲ୍,” ଅଣ୍ଡ ସାଲେମତେ ରାଜାଲ୍ ଆସମାନ୍ଦାନ୍ ମାଈଦିଙ୍କ୍ ଅନ୍ ପେଦେରତେ ମେଣ୍ଡନ୍ ଅର୍ଥ “ଶାନ୍ତି ରାଜାଲ୍ ।”

^୩ ମଲ୍ଲକିସେଦକତେ ଯାୟବାବ ବା ଆନିଦାଦିଡ଼୍ କି ଅନ୍ ଜନମ୍ ନୁ ଡଲ୍ତେ ବିଷୟତେ ବାଡ଼ ବିବରଣୀ ଇଲ୍ଲେ । ଅଣ୍ଡ ଇଶ୍ୱରତେ ମାର୍ ଇନା; ଅନ୍ୱାଦ୍ ପୁଜାରି ପାଡ଼ିୟି ସାରେଦିନା ମାନ୍ତେ ।

^୪ ଆଦିଙ୍କ୍ ଚିନ୍ତେ ମାଡ଼ାଡ଼, ଅବ୍ରାହାମ୍ ବେସର୍ ମହାନ୍ । ମାନ୍ ବିକ୍ୟାଡ଼ ଆନିଦାଦି ଯୁଦମାଡ଼ି ପାଏମ୍ଆଡ଼ତେ ସମ୍ପତିତାଗାଙ୍କ୍ ଅଣ୍ଡୟ ଦଶମାଂସ ଦାନ ମାଡ଼ିମାଡ଼ତଣ୍ଡ ।

^୫ ଲେବିନାଦ୍ ବେନ୍ ବଂଶଦର ପୁଜାରି ପାଡ଼ିୟି ମାଡ଼ିତଡ଼, ଅଡ଼ ମୋଗାନ୍ କାନୁନ୍ତାର୍ ମାନ୍ଦାନ୍ ନିର୍ଦ୍ଦେଶ୍ ଲେକାମ୍ ଇସ୍ରାଏଲ୍ ନାରୁଡ଼ାଗାଙ୍କ୍ ଦଶମାଂଶ ଦାନ ମାଡ଼ିତଡ଼ । ଇସ୍ରାଏଲ୍ୟଡ଼, ଅବ୍ରାହାମ୍ତେ ବଂଶତଡ଼ ନୁ ଲେବିୟଡ଼ ନିଜରଜାତି ଆତକେବା ଅଡ଼ଆଗାଙ୍କ୍ ଇଦ୍ ଦଶମାଂଶ ଆଦାୟ ମାଡ଼ିମାଡ଼ତଡ଼ ।

* ୭:୧୯ ଓଡ଼େଡିଙ୍କ୍ ମାଲ୍ପାନାଦ୍ ଲୋପେତାଦ୍ ଉକ୍ତୁଡ଼,

୭ ମଲକିସେଦକ୍ ଲେବିୟ ବଂଶତଃ ଆୟକ୍ବା ଅଣ୍ଟି
ଇଶ୍ବରତାଗାଙ୍କ ପ୍ରତିଜ୍ଞା ପାଏମ୍ଆତ୍ତେ ଅବ୍ରାହାମ୍ତାଗାଙ୍କ ଅଣ୍ଟିୟ
ଦଶମାଂଶ ଦାନ ଗ୍ରହନ୍ମାଡ଼ି ଅଙ୍କ ଆଶିର୍ବାଦ୍ ମାଡ଼ିମାଡ଼ତଣ୍ଟ ।

୮ ଆଶିର୍ବାଦ୍ ମାଡ଼ାନ ନାରୁଣ୍ଟ ଆଶିର୍ବାଦ୍ ପାଏମ୍ଆଦାନ
ନାରୁଣ୍ଟକଞ୍ଚ ବେଡ଼ିୟଣ୍ଟ ଇଗେ ହେକେ ଇଲ୍ଲେ ।

୯ ଅଣ୍ଟିୟ ଦଶମାଂଶ ଦାନ ଗ୍ରହନ୍କାରୀ ପୁଜାରିଡ଼୍ ତଲାନ୍ ଲେକେଡ଼୍
ନାରୁଡ଼୍ ଇଡ଼କେ ମଲକିସେଦକ୍ ଅଡ଼ିଆଗାଙ୍କ ମହାନ୍ ବାତେଙ୍କିଡ଼କେ
ଶାସ୍ତ୍ର ଲେକାମ୍ ଅଣ୍ଟି ଇଞ୍ଜେ ଗାଲା ଜିଞ୍ଜେମିନ୍ଦେଣ୍ଟ ବା ଅଣ୍ଟି ଅମର୍ ।

୧୦ ଆଡ଼ିଙ୍କ ଅବ୍ରାହାମ୍ ମଲକିସେଦକ୍ଙ୍କ ଦଶମାଂଶ ଦାନ
ଇଦାନାସୁର୍, ବେନ୍ ଲେବିୟ ବଂଶତଡ଼୍ ପୁଜାରିଡ଼୍ ଇଞ୍ଜେ ଦଶମାଂଶ
ଦାନ ଗ୍ରହନ୍ ମାଡ଼ତୁଡ଼୍, ଆ ଲେବୀ ବା ମଲକିସେଦକ୍ଙ୍କ ଆଦ୍ ଦାନ
ଇସ୍ମାଡ଼ତଣ୍ଟ ଇଞ୍ଜ କେତାପାଦିତାଡ଼୍ ।

୧୧ ଲେବି ଆସୁର୍ ପୁର୍ବେ ମାଡ଼ତଣ୍ଟ ନିଜାମ୍ କିନ୍ତୁ ଅବ୍ରାହାମ୍
ମଲକିସେଦକ୍ଙ୍କ କାୟଲ୍ତେଞ୍ଜେଲେ ଆନିଦାଦି ଅବ୍ରାହାମ୍ତେ
ବଂଶତଣ୍ଟ ଲେବି ଅନ୍ ମେନ୍ୟୁଲ୍ତେ ମାଡ଼ତଣ୍ଟ ଇଞ୍ଜ କେଡ଼କେ ମେଣ୍ଟେ
ବାଲାୟ ।

୧୨ ଇ ଲେବିୟଡ଼୍ ପୁଜାରି ନିୟମ୍ତିଙ୍କ ପୟସ୍ ଇସ୍ରାଏଲ୍
ଜାତିତିଙ୍କ ତାନାଦ୍ ବ୍ୟବସ୍ଥା ଇସ୍ମାଡ଼ତଡ଼୍ । ଲେବିୟଡ଼ାଦ୍ ପାଡ଼ିୟି
ସଫଳ ଆଡ଼କେ, ଆଲେକେ ହାରୋଶତେ ଉତ୍ତରାଦିକାରୀ
ଇ ଲେବିୟ ପୁଜାରିଡ଼ିଙ୍କ ଝିଡ଼ିସିଡ଼କେ, ମଲକିସେଦକ୍ନ୍
ଉତ୍ତରାଦିକାରୀ ଇସାବ୍ତେ ମେଣ୍ଟେ ଅର୍ତୁନ୍ ପୁଜାରି ଗୋଷ୍ଠୀ
ଦରକାର ଇଲ୍ଲିଞ୍ଜାମାଡ଼ତା ।

୧୩ ପୁଜିରିଡ଼୍ ବଂଶ ବାଦ୍ଲେମ୍ ଆଡ଼କେ, କାନୁନ୍ତାଦ୍ ବା
ବାଦ୍ଲେମ୍ ଆଦାନ ମିନ୍ଦେ ।

୧୪ ବେନନ୍ ବିସୟତେ ମାମ୍ ଇଞ୍ଜ ସାର୍ରେ ମାଜା କେଡୁତମ୍,
ମାନ୍ ପ୍ରବୁ ଜିସୁ ମେଣ୍ଟେ ଅରଟ ବଂଶତଣ୍ଟ ମାଡ଼ତଣ୍ଟ, ଆ ବଂଶତଡ଼୍
ବେସୁଙ୍କବା ପୁଜାରି କାମ୍ କିଞ୍ଜେମାଡ଼ତ ।

୧୫ ଇଦ ନେକା ସାୟେ ଯେ, ଅଣ୍ଟି ଯିହୁଦା ବଂଶତାଗ୍ ଜନମ୍
ଆସ୍ମାତଣ୍ଟ ମେଣ୍ଟେ ପୁଜାରି ଆଦାନ ମାଜଦିଙ୍କ ମଶାଲ୍ ଇ ବଂଶତାଦ୍
ପେଦେର୍ ଝାଟିଇଲେଣ୍ଟ ।

ମଲ୍ଲକିସେଦକ ଲେକାମ୍ ମେଣ୍ଡେଝେରଣ୍ ପୁଜାରି

୧୫ ଇଗାନୁଅ ସାୟେ ପୁନ୍ଦାନ୍ ଆଡ଼ତେ ଯେ, ମଲ୍ଲକିସେଦକ ଲେକେନ ମେଣ୍ଡେଝେରନ୍ ପୁଜାରି ଖାଡ଼ତଣ୍ ।

୧୬ ଅଣ୍ ନାରୁଡ଼ତାଦ୍ ନିୟମ କାନୁନ୍ ତଡ଼୍ ପୁଜାରି ଆଇଝା ମାଡ଼ତଣ୍; ଇଡ଼କେ ତେରଝେ ଜିଝୁତାଦ୍ ଲାଝଦେ ସାଙ୍ଗ୍ ପୁଜାରି ଆସ୍ମାଉଣ୍ ।

୧୭ ଇଡ଼କେ ଦର୍ମଶାସ୍ତ୍ରତାଗ୍ ଲେକା ମିନ୍ଦେ, “ନିମେ ମଲ୍ଲକିସେଦକନ୍ ଇଉରଦିକାରୀ ଲେକାନ୍ ସାରେଦିନାଡ଼ ପୁଜାର୍ ଆଦ୍ତି ।”

୧୮ ଇଡ଼କେ ପାନ୍ତା ନିୟମ୍ ଲାଝୁ ଇଲ୍ଲଝାଙ୍ଗ୍ ମେଣ୍ଡେ ଦରକାର୍ ଆୟ୍ଝାଙ୍ଗ୍ ଆଦିଙ୍ଗ୍ ବାନ୍ କିଉଡ଼ ।

୧୯ ବାତେଙ୍ଗ୍ ଇଡ଼କେ ମଶାଲ୍ ଇଉାଦ୍ ନିୟମ୍ତେ ବାତେବା ଗର୍ ଲାବ୍ ଆଦାପାଝ୍ । ଇଞ୍ଜେ ମାନାଙ୍ଗ୍ ଅଣ୍ଡୟ ଶାତଝାମ୍ ମାନ୍ଦାନ୍ ଆଶେ ଇଉଣ୍; ଆଦିନ୍ତେ ମାନାଲ୍ ଦେଉଡ଼ତେ ଗାରେ ଆଦାନଙ୍ଗ୍ ପାଦ୍ ତାଲ୍ ।

୨୦ ନାର୍ଗେମିକା ମାନ୍ ସେଙ୍ଗେ ଇଶ୍ବରତେ ଶପଡ଼ ମିନ୍ଦେ । ଆନ୍ଝେ ନାରୁଡ଼୍ ପୁଜାରି ପଦତାଗ୍ ନିୟୁକ୍ତ ଆଦାନଝେଲେ ଇଦ୍ ରକମ୍ ବାଡ଼ ଶପଡ଼ ଇଝେମାଡ଼ତଡ଼୍ ।

୨୧ ଇଡ଼କେ କ୍ରିଷ୍ଟ ପୁଜାରି ଆଦାନ ଆସୁଙ୍ଗ୍ ଇଶ୍ବର ଶପଡ଼ ମାଡ଼ି ଅଙ୍ଗ୍ କେସ୍ମାଡ଼ତନ୍, “ପ୍ରବୁ ଅରର୍ ଶପଡ଼ ମାଡ଼ିତନ୍ ଅଣ୍ ତାନାଦ୍ ମାଜା ବେସୁଙ୍ଗ୍ ବା ମିହ୍ଝଣ୍, ‘ନିମେ ସାରେଦିନାଡ଼ ପୁଜାର୍ ଆଦ୍ତିନ୍ ।’ ”

୨୨ ଇଦ୍ ପାର୍ତକ୍ୟ ସେଙ୍ଗେ ଜିସୁ ଅଣ୍ଡୟ ମହଡ଼୍ ତୁକ୍ତିତେ ନିଜାମ୍ ଇଦ୍ତଣ୍ ।

୨୩ ପଅନ୍ତେ ଶୈଲିତେ ଝେରେ ପୁଜାରିଡ଼୍ ତଲାନ୍ ଇନା ଆସ୍ମାନ୍ଦାନ୍ ମାଇଦିଙ୍ଗ୍ ଝେରେ ନାରୁଡ଼୍ ପୁଜାରି ନିୟୁକ୍ତ ଆଦ୍ତଡ଼୍; ଆଦିଙ୍ଗ୍ ଅଡ଼୍ ନାର୍ଗେ ଆଡ଼ତଡ଼୍ ।

୨୪ ଇଡ଼କେ ଜିସୁ ସାରେଦିନେ ଜିଝୁ ମାନ୍ତଣ୍ । ଅନାଦ୍ ପୁଜାରି ପାଡ଼୍ ଗାଲା ସାରେଦିନା ମାନ୍ତେ ।

୨୫ ଆଦିନ୍ ବେନଡ଼୍ ଅଙ୍ଗ୍ ଆସ୍ ଇଶ୍ବରନ୍ ଗାର୍ଗେ ଅନ୍ତଡ଼୍, ଅଡ଼୍କିଙ୍ଗ୍ ଅଣ୍ ଇଞ୍ଜେ ମେଣ୍ଡେ ସାରେଦିନା ଗେଲ୍‌ସ୍ତା ପାଦ୍‌ଡ଼ତଣ୍,

ବାତାଙ୍କଈତକେ ଅଡ଼ ମାଈଦିଙ୍କ ଈଶ୍ବରନ୍ ମୁନେ କେତାନଙ୍କ ଅଣ୍ଟି
ସାରେଦିନେ ଜିହ୍ବ ମିନ୍ଦେଣ୍ ।

^{୨୭} ଆଦିନ୍ ମାନାଙ୍କ ବାତେ କାଖାଲ୍ ଆଦ୍ ସାରେ ଈଦାନଙ୍କ ବାଡ଼ିୟା
ପୁଜାରି ଜିହ୍ବ ଆରଣ୍ଡେ ମିନ୍ଦେଣ୍ । ଅଣ୍ଟି ପବିତ୍ର, ପାପ୍ କିଞ୍ଚେନଣ୍, ପାପି
ନାରୁଡୁଞ୍ଚି ଖେରେ ମାନ୍ଦାନଣ୍, ପର୍ ଶ୍ବର୍ଗତାଗ୍ ଆତଣ୍ ।

^{୨୮} ଅଣ୍ଟି ଈଲା ଆଲା ପୁଜାରିଡ଼୍ ଲେକେଡ଼୍ ଆୟଣ୍; ଅଡ଼୍
ଲେକାମ୍ ବେଲାକି ମୁନେନ ତାମ୍ ପାପ୍ତେ ମାଈଦିଙ୍କ ପୁଜି
ପେକେ ଖେରେତତାଦ୍ ପାପାମ୍ତେ ମାଈଦିଙ୍କ ସାରେଦାମ୍ ପୁଜାନଙ୍କ
ଦାରକାର୍ ଈଲ୍ଲେ । ଅଣ୍ଟି ଖେରଦାମ୍ ଖେରଣ୍ ନୁ ସାରେଡ଼୍
ମାଈଦିଙ୍କ ତାନାକେ ପଜିଆଉନ୍ ।

^{୨୮} ମୋଶାନ୍ କାନୁନ୍ତେ ଈସାବ୍ତେ, ବାତେ ପୁନଞ୍ଚରଡ଼୍ ମିକା
ପୁଜାରିଡ଼୍ ଆୟନ୍ତୁ; ମାଡି ପରମେଶ୍ବର ଶପଡ଼୍ ମାଡ଼ତାଦ୍ ଈସାବତେ
ତାନା ମାର୍ ପୁଜାରି ଆତୋର, ଅଣ୍ଟି ସାରେଦିନା କିୟାପାଦ୍ତଣ୍ ।

୮

କ୍ରିଷ୍ଟ ମାନ୍ ବେଡ଼୍ରେ ପୁଜାରି

^୧ ମାନ୍ ଗଟ୍ତାଦ୍ ମୁକ୍ୟ ବିଷୟ ଈଦ୍, ମାମ୍ ବେନ୍ ବେଡ଼୍ରେ
ପୁଜାରିଙ୍କ ପାଏମ୍ଆଡ଼ତମ୍, ଅଣ୍ଟି ଶ୍ବର୍ଗତାଗ୍ ସାରେତିଙ୍କ ବାଡ଼ିୟଣ୍
ସିଂହାସନତାଗ୍ ତିନ୍ଦେ ପାକେ କୁଦି ମିନ୍ଦେଣ୍ ।

^୨ ଅଣ୍ଟି ବେଦ୍ ବେଡ଼୍ରେ ପବିତ୍ର ପଡ଼୍ରେତାଗ୍ ମାଡ଼୍ତେ ନିଜାତାଦ୍
ତମ୍ବୁଡ଼୍ ମଦଲ୍ ବେଡ଼୍ରେ ପୁଜାରି ଲେକେମ୍ ପାଡ଼ିୟି ମାଡ଼ିତଣ୍, ଆଦ୍
ନାରୁଡ଼୍ ତିଆର ମାଡ଼୍ତାଦ୍ ଆୟ, ଆଦିଙ୍କ ଈଶ୍ବର ତିଆର୍ ମାଡ଼୍ତଣ୍ ।

^୩ ସାରେ ବାଡ଼୍ରେ ପୁଜାରିଡ଼୍ ଈଶ୍ବରତେ ଲେକାମ୍ ପୁଜି ସାମାନ୍ ନୁ
ପଶୁ ପଜ୍ ଈଦାନଙ୍କ ନିୟୁକ୍ତ ଆଡ଼ତଡ଼୍ । ଆଦିଙ୍କ ମାନ୍ ବାଡ଼୍ରେ ପୁଜାରି
ଗାଲେୟି ଆଲେକେନ୍ ସୁଡୁର୍ ପୁଜା ଜିନିଷ୍ ଈଦାନଙ୍କ ଦରକାର୍ ।

^୪ ଅଣ୍ଟି ଯଦି ଈ ବୁମ୍ତାଗ୍ ମାନେଣ୍ ଆଲେକେ, ଅଣ୍ଟି ବେସୁର୍ବା
ପୁଜାରି ଆୟଞ୍ଜାମାନେଣ୍, ବାତାଙ୍କଈତକେ ଯିହୁଦିଡ଼୍ ନିୟମ
ଈସାବତେ ପୁଜ୍ ଈଦାନ୍ ମାଈଦିଙ୍କ ପୁଜାରି ଆସ୍ମିନ୍ଦେଣ୍ ।

୫ ଅତଃପୁରୀ ପୁରୀର ପାତ୍ରୀୟ ବସୁତୁ ସ୍ୱର୍ଗତ ବିଷୟ ଲେଖାମ୍
ନୁ ଅଣ୍ଡିୟ ନିଡ଼କେ । ମଶାନାଗ୍ ଇଲା ଆସ୍ ଖାଦୁତା । ମଶାଲ୍
ବେସୁଲ୍ ଉପାସନା ମାଲଦିଲ୍ ଅଣ୍ଡିୟ କୁଡ଼ୁମା ମାଡ଼ାଲ୍ ଆଦାନଖେଲେ,
ଇଶ୍ୱର ଅଲ୍ କେଡ଼ିଶ୍, “ଉଡ଼ା, ମେଟେଡ଼ ପର ନିକିଲ୍ ବେନ୍ ନକ୍ଷା
ତଅସିଡ଼ତାନ ଆଲେନେ ସାରେ ବିଷୟ ତିଆର୍ ମାଡ଼େ ।”

୬ କିନ୍ତୁ ଲୁଖେ ଜିସୁଲ୍ ବେନ୍ ପୁରୀର ପାତ୍ରୀୟ ଇସ୍ ମିନ୍ଦେଡ଼, ଆଦ୍
ଖେରେ ପୁରୀର ପାତ୍ରୀୟନୁଅ ବାଡ଼ିୟା । ଆଲେକେନ୍ ଇଶ୍ୱର ନୁ
ନାରୁଡ଼ ନାଡ଼ମେ ଅଣ୍ଡି ବେଦ୍ ନିୟମ୍ ଇସ୍ମିନ୍ଦେଶ୍, ଆଦ୍ ବେଡ଼ିୟାଦ୍,
ବାଡ଼ାଲ୍ ଇଡ଼କେ ଇଦ୍ ନିୟମତାଗ୍ ବାଡ଼ିୟା ବିଷୟ ଇଦାନ୍ ମାଲଦିଲ୍
ପ୍ରତିଜ୍ଞା ମାଡ଼ତଶ୍ ।

୭ ମୁନେଡ଼ ନିୟମତାଗ୍ ଯଦି ବାଡ଼େବା ନିର୍ଦ୍ଦୋଷ୍ ମାଲ୍, ଆଲେକେ
ରେଶ୍ ନିୟମ୍ ଦରକାର ଇଲଖା ମାଡ଼ତା ।

୮ କିନ୍ତୁ ଲୁଶ୍ୱର ତାନ ନାରୁଡ଼ ଦୋଷତିନ୍ ତହସ୍ କେଡ଼ତଶ୍, “ପ୍ରବୁ
କେଡ଼ତଶ୍, ସମୟ ଖାଦୁତା, ନାନ୍ ବେସୁଲ୍ ଇସ୍ରାଏଲ୍ ବା ସାରେ
ଯିହୁଦା ନାରୁଡ଼ ସାଲ୍ ଅରଟ୍ ପୁନାଦ୍ ନିୟମ୍ ତିଆର୍ ମାଡ଼ିତାନ ।

୯ ନାନ୍ ତାମ୍ ଆନିଦାଦଡ଼କ୍ କାୟ୍ ପଇସ୍ ମିସର୍ ଦେଶନୁଅ ପେସ୍ପି
ତାତାନଖେଲେ ବେନ୍ ନିୟମ୍ ମାଡ଼ିମାଡ଼ତାନ, ଇଦ୍ ନିୟମ୍ ଆଦ୍
ଲେକାମ୍ ଆୟ୍ । ନାନ୍ ଅଡ଼ ସାଲ୍ ବେନ୍ ନିୟମ୍ ମାଡ଼ିମାଡ଼ତନ୍, ଆଗେ
ଅଡ଼ ବିଶ୍ୱାସ୍ତେ ମାନଡ଼; ଆଦିଲ୍ ନାନ୍ ଅଡ଼ ପର ମନ୍ ଇଖନ୍ ।

୧୦ ପ୍ରବୁ କେଡ଼ତଶ୍, ନାନ୍ ଖାଇନାଦ୍ କାଲାତେ ଇସ୍ରାଏଲ୍ ନାରୁଡ଼
ସାଲ୍ ଇଦ୍ ନିୟମ୍ ମାଡ଼ିତାନ । ନାନ୍ ନାୟାଦ୍ ନିୟମ୍ ଅଡ଼ ଏରକେଡ଼େ
ଖାଟିତାନ ନୁ ତାମ୍ ଜିହୁନତାଗ୍ ଲେକିଡ଼ତାନ, ନାନ୍ ତାମ୍ ଇଶ୍ୱର
ଆଦତାନ, ମେଶ୍ଟେ ଅଡ଼ ନା ନାରୁଡ଼ ଆଦତଡ଼ ।

୧୧ ଆସୁର୍ ଅଡ଼ ଗାରେଡ଼ଡ଼କ୍ ଶିକ୍ଷା ଇଦାନଲ୍ ଦରକାର୍ ଆୟ୍, ବା
ଦେଶ୍ତେ ନାରୁଡ଼କ୍ ‘ପ୍ରବୁଲ୍ ପୁନୁର୍,’ ଇଦ୍ ଗର୍ କେତାନଲ୍ ଦରକାର୍
ଆୟ୍, ବାଡ଼େଲ୍ ଇଡ଼କେ ସୁଦୁଲଡ଼ନୁଅ ବେଡ଼ିୟଡ଼ ଏଖୁନା ସାରେଡ଼ଡ଼
ନାକିଲ୍ ପୁଞ୍ଜମାନଡ଼ତ ।

୧୨ ନାନ୍ ତାମ୍ ସାରେ ପାପାମତିଲ୍ ଖିଡ଼ସି ମାଞ୍ଜ ନୁ ତାମାଦ୍ ବାଡ଼େବା
ବୁଲଡ଼ିଲ୍ ଏକେ ନେଖନ୍ ।”

୧୩ ଇଦିଲ୍ ପୁନା ନିୟମ୍ ଇଞ୍ଜ କେତାନ ସାଲ୍ ଇଶ୍ୱର ମୁନେତାଦିଲ୍

ପାଠନତାଦ୍ ନିୟମ୍ ଇଞ୍ଜ କେସ୍‌ମିନ୍‌ନେନ୍ ମେଣ୍ଡେ ବାତେ ପାଠନତାଦ୍ ନୁ
ପାଡ଼ିୟିଦେ ଆଇଞ୍ଜାଦ୍, ଆଦ୍ ଜାପେ ମାୟିଆଡ଼ତେ ।



ବୁମ୍ ନୁ ସ୍ୱର୍ଗତ୍ ସେଞ୍ଜା କିୟାନାଦ୍

୧ ମୁନେଡ୍ ନିୟମତାଗ୍ ସେଞ୍ଜାକିନାଦ୍ ନୁ ନାରୁଡ୍ ମାଡ଼ତାଦ୍ ଅରଟ୍
ସେଞ୍ଜା ମାଡ଼ାନ୍ ପଡ଼ୟେ ବିଷୟତେ ମିନ୍ଦେ ।

୨ ଆଦେଲେକାମ୍ ଅରଟ୍ ସେଞ୍ଜା ମାଡ଼ାନ୍ ବାକ୍ତା ମାଡ଼ତେ । ଆଦିଙ୍କ୍
ପବିତ୍ର ବାକ୍ତା ଇଞ୍ଜ କେଡ଼ତଡ୍ । ଇଗା କୁପି ଖାଟାନ୍ ପଡ଼ିୟା, ଅରଟ୍
ଟେବୁଲ୍ ନୁ ଟେବୁଲ୍‌ତେ ପର୍ ଇଶ୍ୱରନ୍ ମାଇଦିଙ୍କ୍ ମାନାଡ଼୍ ଇଡ଼ାଞ୍ଜ ରୁଟି
ମାଡ଼ତା ।

୩ ସିଲେଡ୍ ପେକେ ମେଣ୍ଡେଞ୍ଜେରଟ୍ ବାକ୍ତେ ମାଡ଼ତା ଆଦିନ୍
ବାଡ଼ିୟା ପବିତ୍ର ପଡ଼ୟେ ଇଞ୍ଜ କେଡ଼ିତଡ୍ ।

୪ ଆଗା ସୁନାତାଦ୍ ଦୁପାମ୍ ଇଦାନାଦ୍ ପଡ଼ୟେ ମାଡ଼ତେ, ମେଣ୍ଡେ
ସନ୍ଦେ ତିଆର୍ ମାଡ଼ତାଦ୍ “ନିୟମ ବାକ୍ସ,” ମାଡ଼ତେ, ଇଦ୍
ବାକ୍ସତେ ଲୋପେ “ମାନ୍ନା,”* ମାନ୍ନାନାଦ୍ ଅରଟ୍ ସୁନାତାଦ୍ କାସ୍‌ଲା
ମାଡ଼ତା, ହାରୋଣତାଦ୍ ତୁଡ୍ କଡ଼ସି ମାଡ଼ତେ ମେଣ୍ଡେ ଇଶ୍ୱରତେ
ଆଞ୍ଜା ଏକିଇତାଞ୍ଜ ରେଣ୍ଡୁ ଚାପେ କାଲକ ମାଡ଼ତା ।

୫ ଆ ବାକ୍ସତେ ପର୍ ଇଶ୍ୱରନ୍ ମାଟା ନିଦର୍ଶନ୍ ଲେକାମ୍
ରେକା ପେୟତାଞ୍ଜ ରେଣ୍ଡୁ ଜଡ଼ୁ ପୁଡ଼ଲାମ୍ ମାଡ଼ତା । ଇଞ୍ଜୁ ପାପ୍
କ୍ଷମା ପଡ଼ୟେ ପରୁ ତାମ୍ ରେକା ଓଡ଼ି ମାଡ଼ତା, ଇଡ଼କେ ଇଞ୍ଜେ
ଇଞ୍ଜୁସାରେତାଞ୍ଜୁ ବାକ୍ସା ମାଡ଼ାନ୍ ଦର୍କାର ଆୟ ।

୬ ଆଗେ ଇଦରକମ୍ ନିୟମ୍ ମିନ୍ଦେ, ପୁଜାରିଡ଼୍‌ସାରେଦିନେ ତମ୍‌ତେ
ମୁନେଡ୍ ବାକ୍ତେତାଗ୍ ନେଜି ଅଡ଼ଞ୍ଜାଦ୍ କର୍ତ୍ତବ୍ୟ ସାଦନ୍ ମାଡ଼ିତଡ୍ ।

୭ ଲୋପେଡ୍ ମେଣ୍ଡେଞ୍ଜେରଟ୍ ବାକରାତାଗ୍ ବେଡ଼ିୟଡ଼୍ ପୁଜାରି
ଆଦେପାର୍ଡାତଣ୍ଡ, ଅଣ୍ଡ ଇଗା ଏଣ୍ଡତେ ଅରଟ୍‌ଦାମ୍ ନେଜିତଣ୍ଡ, ଅଣ୍ଡ
ତାନ୍ ମାଇଦିଙ୍କ୍ ନୁ ନାରୁଡ୍ ପୁନଞ୍ଜାକଟ୍ ମାଡ଼ତାଦ୍ ପାପ୍‌ତେ ମାଇଦିଙ୍କ୍
କାୟତାଗ୍ ନେଡୁର୍ ପୋଇସ୍ ଇଶ୍ୱରନ୍ ସାଙ୍ଗ୍ ପୁଜାନଙ୍କ୍ ଆନଉଣ୍ଡ ।

* ୯:୪ ଉସ୍ମ ନେଲ୍‌ତାଗ୍ ମାନ୍ନାଞ୍ଜେଲେ ସ୍ୱର୍ଗକନ୍ଦୁ ତିନ୍ନାନାଦ୍ କାଦି ଇଶ୍ୱର ଇଡ଼ତଣ୍ଡ । ଆଦିନ୍
ଅର୍ତ୍ତ ବାଆତେ ?

୮ ଇ ସାରେ ବିଷୟତିଷ୍ଠ ପବିତ୍ର ଆମ୍ଭ ଇଦ ଗଟ୍ ଗାଟି ଲେକେଡ୍ ନାଡ଼ସ୍ଥିମିନ୍ଦେ ଯେ, ମୁନେଡ୍ ବେଦି ମାନ୍ଦାନ୍ ଯାକ, ବାଡ଼ିୟା ପବିତ୍ର ଡେଡାତାଗ୍ ଆଦାନ୍ ଆର୍ ତହିଲେ ।

୯ ଇଞ୍ଜେଡ୍ କାଲାତିନ୍ ଉଡକେ ଇଦ୍ ଅରଟ୍ ଖେଷଡ୍ତେ ଲେକେଡ୍ । ଇଡକେ, ଇଶ୍ବରନ୍ ସାଙ୍ଗ୍ ଇଡତାଦ୍ ପୁଜାସାମାନ୍ ନୁ ପଶୁ ପୁଜକେ ଉପାସନ୍ ମାଡାନ୍ ନାରୁନ୍ ହୁଦୟତିନ୍ ସାୟେ ମାଡେପାର୍ଶ୍ବ ।

୧୦ ଇଞ୍ଜୁ ସାରେ ତିନ୍ଦାନାଞ୍ଜ, ଉଣ୍ଡନାଞ୍ଜ, ପବିତ୍ର ଆଦାନ୍ ସେଙ୍ଗେ ବାୟଦେଡ୍ କ୍ରିୟାକର୍ମ; ଇଶ୍ବରତେ ପୁନାଦ୍ ନିୟମତାଦ୍ ପ୍ରତିଷ୍ଠା ଯାକ ଇଞ୍ଜୁ ସାରେତାଞ୍ଜିନ୍ ଦରକାର ମାଡତେ ।

୧୧ ଇଡକେ ଇଞ୍ଜେ ମାମ୍ ବେନ୍ ସାୟେ ବିଷୟ ଦରକସ୍ତମ୍, କ୍ରିଷ୍ଣ ଆଞ୍ଜସାରେତାଞ୍ଜିନ୍ ବାଡ଼ିୟା ପୁଜାରି ଇନା ଝାସ୍ମିନ୍ଦେନ୍ । ଅଣ୍ ବେନ୍ ଉପାସନା ତମ୍ବୁଡାଗ୍ ପାଡ଼ିୟା ମାଡତୁଣ୍, ଆଦ୍ ଶ୍ରେଷ୍ଠ ନୁ ଗାଟି ପବିତ୍ର । ଆଦ୍ ନାରୁଡ୍ ମାଡତାଦ୍ ଆୟ । ଆଦ୍ ଇଦ୍ ବୁମ୍ତାଗ୍ ଅରଟ୍ ଦୁଡେ ଆୟ ।

୧୨ କ୍ରିଷ୍ଣ ଆ ତମ୍ବୁଡାଲେ ଆ ବେଡିୟଡ୍ ପବିତ୍ର ବେଡିତାଗ୍ ଅଣ୍ଡୟଦାମ୍ ନେଙ୍ଗାନ୍ଝେଲେ ଆଗା ବଲି ଇଦାନ୍ ମାଇଦିଙ୍ଗ୍ ମେକା ନୁ ପେୟେ ନେଡୁର ଆସ୍ ଆନଞ୍ଜେ ମାଡତଣ୍ । ଅଣ୍ ମାନାଙ୍ଗ୍ ତାନ୍ ନିଜର୍ ନେଡୁର ଇସ୍ ସାରେଦିନେଡ୍ ମାଇଦିଙ୍ଗ୍ ଗେଲ୍ସ୍ତିତଣ୍ ।

୧୩ ପଅନ୍ତେ ପଦତି ତଡ୍ ବେନଡ୍ ପୁଜ୍ ମାଡ଼ଞ୍ଜାଙ୍ଗ୍ ସାୟେ ଇଲେଡ୍, ଅଡ୍ ପର୍ ମେକା ନୁ କଅନ୍ଦାତାଦ୍ ନେଡୁର୍ ମେଣ୍ଡେ ଗଡ୍ ପଡିସ୍ତାଦ୍ ନିର୍ ଇସ୍କେ, ଅଡ୍ ପବିତ୍ର ଆଦତଡ୍ ।

୧୪ ଇଦ୍ ଯଦି ନିଜାମ୍ ଆସ୍ମାନୁଡା, ଆଲେଇଡକେ କ୍ରିଷ୍ଣନାଦ୍ ନେଡୁର୍ ମେଣ୍ଡେ ବେସର୍ ପେକେ ଦରକାର ଆୟ ? ଆତୟ୍ ତେରଞ୍ଜାଦ୍ ଜିଞ୍ଜୁଡ୍ ତଡଦେ ଅଣ୍ ତାନାକ୍ ଇଶ୍ବରନ୍ ମାଇଦେ ଅଣ୍ ନିର୍ଦୋଷ୍ ପୁଜତାଗ୍ ମନ୍ ଇଦୁଡଣ୍ । ତାନାଦ୍ ଆଦ୍ ନେଡୁର୍ତେ ସାଙ୍ଗ୍ କାରାପ୍ ପାଡିୟନ୍ତୁଞ୍ଜ ଝେରେ ଆସ୍ ମାୟାଦ୍ ଜିଞ୍ଜୁ ନେଲ୍ଲା ମାନ୍ତା ନୁ ମାମ୍ ଜିଞ୍ଜୁ ମାନ୍ଦାନ୍ ଇଶ୍ବରନ୍ ସେଞ୍ଜା ମାଡା ପାର୍ଦାତମ୍ ।

୧୫ ଆଦେନ୍ ସାଙ୍ଗ୍ କ୍ରିଷ୍ଣ ପୁନା ନିୟମ୍ ମାଡତଣ୍, ବେଲାକି ବେନଡକ୍ ଇଶ୍ବର କାରଙ୍ଗତଣ୍, ଓଡେ ଇଶ୍ବର ପ୍ରତିଞ୍ଜା ମାଡତାଦ୍ ଅନନ୍ତ ଆଗ୍ ବାଦ୍ ଦର୍କାକିଦତଡ୍ । ମୁନେଡ୍ ନିୟମ୍ ପାଡ଼ିୟା

ମାତାମାତ୍ର, ନାରୁତ୍ ବେନସାରେ ପାଦ ମାତ୍ରମାତ୍ରତ୍, ଅତ୍ ସାରେ କ୍ରିଷ୍ଣ ତଳତା ସେଙ୍ଗେ ଗେଲ୍‌ସି ମିନ୍ଦେତ୍ ।

୧୭ ଅଣ୍ଡୟ ରୁକ୍ତି ନିୟମ୍ ଲେକାମ୍ ଆଦ୍ ପାତ୍ରୟ ମାତ୍ରାନ୍ ସେଙ୍ଗେ ରୁକ୍ତି ମାତ୍ରମାତ୍ରାନ୍ ନାରୁନାଦ୍ ତଳାନାଦ୍ ଦରକାର୍ । ବେନତ୍ ନାରୁତ୍ ତାନାକ୍ ତଳତା ପାୟ୍ ତାନ୍ ବୁମ୍ ନେଲ୍ ବେନନ୍ ଅଦତ୍ ତ୍‌ଲ୍‌ଜ୍ ଲେକା ମାତ୍ର ତାତ୍‌ତତ୍; ଆର୍ ତଳକେ; ଆସକେ ଆଦ୍ ଚାଲେମ୍ ଆତା ।

୧୮ ଆର୍ ତଳତାପାୟ୍ ଆଦ୍ କାଗନ୍ ଚାଲେମ୍ ଆତା । ଆର୍ ଜିହ୍ଵା ମାତ୍ରାନ୍‌ସେଲେ ଆଦ୍ ଚାଲେମ୍ ଆୟ୍ ।

୧୯ ଆଦେନ୍‌ମାତ୍ରାଦେ ମୁନେତ୍ ନିୟମ୍ ଗାଲା ନେତୁର୍‌ତେନ୍ ଚାଲେମ୍ ଆସମାତା ।

୨୦ ବାତେକ୍‌କ୍‌କେ ମୁନେନ୍ ମୋଗାନ୍ ନିୟମ୍‌ତେ କାନୁନ୍‌ତାଗ୍ ମାତ୍ରାନ୍ ନାରୁତାଗ୍ କେତ୍‌ଶ୍ଚ୍ । ତାନ୍‌ପେକେ ଅଣ୍ଡ ପେୟେ ନୁ ମେକା ନେତୁର୍‌ତିନ୍ ଏରଦାଗ୍ କାଲ୍‌ପି ଏରେ ରଙ୍ଗ୍‌ତାଦ୍ ମେଣ୍ଡେ କେଲ୍‌କ୍ ନୁ କ୍ରିପା କାରାତା ରଙ୍ଗ୍‌ତେ କାନୁନ୍ ଲେକେମ୍ ଆସ୍ ମାତ୍ରାନ୍ ବଇତ୍ ପର୍, ମେଣ୍ଡେ ନାରୁତ୍ ପର୍ ସାତନ୍ ମାତ୍ରତନ୍ ।

୨୧ ଅଣ୍ଡ କେତ୍‌ଶ୍ଚ୍, “ବେନ୍ ନିୟମ୍ ପାଲନ୍ ମାତ୍ରାନ୍‌କ୍ ଇଶ୍ଵର୍ କେସ୍‌ମିନ୍ଦେଶ୍ଚ୍, ଇଦ୍ ନେତୁର୍ ଆଦ୍ ନିୟମ୍ ବିଷୟ କେତିତ୍ ।”

୨୨ ମଶାଲ୍ ଆଦ୍ ଲେକେମ୍ ନେତୁର୍ ଆସ୍ ତମ୍‌ମନ୍ଦିର୍ ନୁ ଉପାସନାତାଗ୍ ବ୍ୟବହାର୍ ଆଦନ୍ ସାରେ ଜିନିଷ୍‌ତେ ପର ଇସ୍‌ତଶ୍ଚ୍ ।

୨୩ ମେଣ୍ଡେ ମୋଗାନ୍ ନିୟମ୍ ଲେକାମ୍ ସାରେ ବିଷୟ ନେତୁର୍‌ତତ୍, ପବିତ୍ର ଆଦତା ନୁ ନେତୁର୍ ତତ୍‌କେ କ୍ଷମା ପାଏମ୍ ଆଦତେ ।

କ୍ରିଷ୍ଣନ୍ ବଲିଦାନ୍ ପାପାମ୍‌ତିକ୍ ଦୁରାମ୍ ମାତ୍ରତ୍

୨୪ ବେନ୍ ବିଷୟ ସ୍ଵର୍ଗ୍‌ତେ ମୂଲ ବିଷୟ ଲେକେମ୍, ଆହୁସାରେ ନେତୁର୍ ତତ୍ ପବିତ୍ର ଆଦାନ୍ ଦରକାର୍ ମାତ୍ରତେ, କିନ୍ତୁ ସ୍ଵର୍ଗ୍‌ୟ ବିଷୟକି ସେଙ୍ଗେ ବେତ୍‌ୟେ ବଲିଦାନ୍ ଦରକାର୍ ।

୨୫ ବାତ୍ ନାରୁତ୍ ତିଆର୍ ମାତ୍ରତ୍, ଇଦ୍‌ରକମ୍ ଅଣ୍ଡୟ ପବିତ୍ର ପତ୍‌ୟେତାଗ୍ କ୍ରିଷ୍ଣ ଆତ୍‌ତଶ୍ଚ୍ । ଆଦ୍ ବାତ୍‌ବା ନିଜାତାଦ୍ ବିଷୟତେ ଅନୁରୁପ୍ ଆୟ୍ । ଅଣ୍ଡ ସ୍ଵର୍ଗ୍‌ତାଗ୍ ଆତ୍‌ତଶ୍ଚ୍ । ଆଗେ ଅଣ୍ଡ ମାନ୍ ପାକେ ଇଜ୍‌ଜେ ଇଶ୍ଵର୍‌ତେ ମୁନେ ମିନ୍ଦେଶ୍ଚ୍ ।

୨୫ ଇହୁଦିତ୍ ବାଡ଼ିୟା ପୁଜାରିତ୍, ବେଦଲେକାମ୍ ଖାଡ଼ିଆତେ
 ଝେରଟଦାମ୍ ପଶୁ ନେତୁର୍ ଆସ୍ ବାଡ଼ିୟା ପବିତ୍ର ଜାଗାତାଗ୍ ଅନ୍ତତ୍
 । ଆଦେରକମ୍ କ୍ରିଷ୍ଟ ନିଜେତିଙ୍କ୍ ସେନେମାନ୍ ଉତ୍ସର୍ଗ ମାଡ଼ାଙ୍କ୍ ଆନନ୍
 ।

୨୬ ଆଲେଇଡ଼କେ, ଅଙ୍କ୍ ବୁମ୍ ମାଡ଼ତାଗାନୁଞ୍ ନାର୍ଗେଦାମ୍
 ଦୁଃକକଷ୍ଟ ମାଡ଼ାନାଦ୍ ମାଡ଼ତା । ମାତି ଅଣ୍ଟା ଯୁଗାନ୍ତ ସମୟତେ
 ତାନାକେ ପୁଜିଆଡ଼ତେ ମାଇଦିଙ୍କ୍ ସାରେଦିନେଡ଼ ମାଇଦିଙ୍କ୍
 ଅଣ୍ଟାୟଦାମ୍ ପାପତାଦ୍ ଲାଞ୍ଜଦିନ୍ ଲୋପମାଡ଼ାନଙ୍କ୍ ଖାସ୍ମାତଣ୍ଟ
 ।

୨୭ ସାରେତଡ଼ ଅରଟଦାମ୍ ଡଲିତଡ଼ ମେଣ୍ଟେ ତାନ୍ ପେକେ
 ଇଶ୍ବରନ୍ ବିଚାରତା ମୁନେ ଆଦାଙ୍କ୍ ଆଦତେ ।

୨୮ ଆଦେଲେକାମ୍ ନାର୍ଗେମୁଲ୍ଦାଦ୍ ପାପ ଦୁରାମ୍ ମାଡ଼ାନଙ୍କ୍ କ୍ରିଷ୍ଟ
 ଅରଟଦାମ୍ ପୁଜିଆଡ଼ଣ୍ଟ । ଅଣ୍ଟା ମେଣ୍ଟେ ଖାଦତଣ୍ଟ । ଆସୁଙ୍କ୍ ମେଣ୍ଟେ
 ପାପତେ ସାଙ୍ଗ୍ କାଇଲାନ ମାଇଦିଙ୍କ୍ ଅଣ୍ଟା ଖାଡ଼ଣ୍ଟ । ଅଣ୍ଟା ଖାଦତଣ୍ଟ,
 ଅନ୍ ସେଙ୍ଗେ କେପିମାନ୍ଦାନ୍ ନାରୁଡ଼କିଙ୍କ୍ ପରିତ୍ରାଣ ମାଡ଼ାନ ସେଙ୍ଗେ ।

୧୦

୧ ଇହୁଦୀ ବ୍ୟବସ୍ଥା ବାସ୍ତବ ବିଷୟତେ ପୁରା ନୁ ଟିକ୍ ଚିତ୍ର ଆୟ,
 ଇଦ୍ ଖାଦାନାଦ୍ ସାୟେତାଦ୍ ବିଷୟତେ ଅଣ୍ଟାୟ ସାୟେଡ଼ ସୂଚନା ଆୟ
 । ସାରେଦାମ୍ ବାଡ଼ାଙ୍କ୍ ଇଡ଼କେ କାନୁନ୍ ପେକେ ସାୟେ ବିଷୟତାଦ୍
 ଦାଡ଼ମ୍ ଲେକାମ୍ ଆସ୍ ଆଖୁ ସାରେ ବିଷୟତାଦ୍ ଟିକ୍ ଆଦଲେକେନ୍
 ଆୟ୍ ଖା ପୁଜାରିତକିଙ୍କ୍ ଏଣ୍ଟେକ୍ତିଙ୍କ୍ ଆମ୍ତେ ଆଲେ ଅରଟ୍ ଲେକାମ୍
 ପୁଜାନ୍ ଲେକାମ୍ ଉପାସଡ଼କ୍ ବେସୁଙ୍କ୍ ବା ନାରଦେ ପାରଖ ।

୨ ଯଦି ପାଦଟି, ଆଲାଇଡ଼କେ ଉପାସକଡ଼ ଝେରଟଦାମ୍
 ଜାଡ଼ଆସ୍ ପୁନନେଡ଼ ମେଣ୍ଟେ ଅଡ଼ ମନ୍ତାଗ୍ ପାପ୍ ମାଡ଼୍‌ଖାଙ୍କ୍ ଇଞ୍ଜ
 ଆଖୁ ସାରେ ପୁଜାନାଦ୍ ତେରି ମାନ୍ଦାନ୍ ଆୟ କି ?

୩ କିନ୍ତୁ ଆଦଲେକାମ୍ ଆୟକଟ ହେଣ୍ଟକିଙ୍କ୍ ହେଣ୍ଟକ୍ ବଲିଦାନ୍
 ଇତ୍ସର୍ଗ ମାଡ଼ାନ ଦ୍ବାରା ନାରୁଡ଼ ମାଡ଼ର୍ ତାମ୍ ପାପାମ୍ ବିଷୟ ଏକା
 ମାଡ଼ାଙ୍କ୍ ଆଦତେ ।

୪ ବାଡେଙ୍କ୍ ଇକେ କଅନ୍ଦା ନୁ ମେକେଡ଼ ନେତୁର୍ତେ ପାପ ମାୟିତା,
 ଆଲେ ବେସୁଙ୍କ୍‌ବା ଆୟ ।

୫ ଆଦିନ୍‌ମାଇଦିଙ୍କ କ୍ରିଷ୍ଣ ବୁମ୍‌ତାର୍ ଖାଦାନ ମୁନେଙ୍କ ଇଶ୍ବରତିଙ୍କ କେତତଣ୍ଡ, “ପଶୁ ପୁଜାନାଦ୍ ନୁ ନୈବେଦ୍ ଇଦାନାର୍ ମିତ୍ ସନ୍ତସ୍ଥ ଆୟୁଞ୍ଜିତ୍, କିନ୍ତୁ ମିତ୍ ନା ସେଙ୍ଗେ ଅଣ୍ଡୟ ମେନ୍ଦୁଲ୍ ତିଆର୍ ମାଡ୍‌ତିତ୍ ।

୬ ପାପାମ୍ ନରଦାନ ସେଙ୍ଗେ ମିତ୍ ବେଦିତ୍ ପର ହମବଲିତେ ବା ଜିଞ୍ଜାକ୍ ପୁଜାନ ଆୟୁର୍ ସନ୍ତସ୍ଥ ଆୟୁଞ୍ଜିତ୍ ।

୭ ଆଦିଙ୍କ ନାନ କେତତାନ୍, “ଆ ଇଶ୍ବର, ନା ବିଷୟତେ ନିୟମ୍ ବଇତାର୍ ବେଲା ଲେକା ମିନ୍ଦେ, ନାନ ଆଦ୍ ରକମ୍ ନିୟାଦ୍ ଇଚ୍ଛା ସାଦନ୍ ମାଡାନଙ୍କ ତିଆର୍‌ଆସ୍ ମିନ୍ଦେନ୍ ।”

୮ ମୁନେଙ୍କ ଅଣ୍ଡ କେସମାଡ୍‌ତଣ୍ଡ, “ନିମା ନାରୁଡ୍‌ତା ପାପ୍ ନର୍ଦାନ ମାଇଦିଙ୍କ ପୁଜାନାଦ୍ ମେଣ୍ଡେ ନୈବେଦ୍ୟ ମେଣ୍ଡେ ହମବଲି ନିକିନ୍ ଅପ । ଆସ୍ତୁ ସାରେ ନିକିନ୍ ସନ୍ତସ୍ଥ ମାଡେ ପାର୍‌ଞ୍ଜ ।” ଇଞ୍ଜସାରେ ପୁଜାନାଦ୍ କାନୁନ୍‌ତେ ଇସାବ୍‌ତେ ମାଡିମାଡ୍‌କେ ଗାଲେୟ୍ ଅଣ୍ଡ ଇଲା କେସମାଡ୍‌ତଣ୍ଡ ।

୯ ତାନ୍‌ପେକେ ଅଣ୍ଡ କେସମାଡ୍‌ତଣ୍ଡ, “ଆ ଇଶ୍ବର, ନାନ ନି ଇଚ୍ଛା ସାଦନ୍ ମାଡାନଙ୍କ ତିଆର୍ ।” ଇଡ୍‌କେ ଇଶ୍ବର ଇଞ୍ଜସାରେ ପୁଜତାସ୍ତୁ ଞ୍ଜିତ୍‌ସି ମେଣ୍ଡେ ତାନ ବାଦ୍‌ଲେମ୍‌ତେ କ୍ରିଷ୍ଣନାଦ୍ ପୁଜତାଦ୍ ଗ୍ରହନ୍ ମାଡ୍‌ତଣ୍ଡ । ମେଣ୍ଡେଅଣ୍ଡ ନିୟମ୍ ତିଆର୍ ମାଡାନ ସେଙ୍ଗେ ମୁନେତାଦ୍ ନିୟମ୍‌ତିଙ୍କ ଲପ୍ ମାଡ୍‌ତଣ୍ଡ ।

୧୦ ଆଦିଙ୍କ ଇଶ୍ବର ଇଞ୍ଜସାରେ ବଲିଦାନ ଗ୍ରହନ୍ ମାଡ୍‌କଟ୍ ଆଦନ୍ ବାଦୁଲ୍‌ତେ କ୍ରିଷ୍ଣନ୍ ବଲିଦାନ ଗ୍ରହନ୍ ମାଡ୍‌ତଣ୍ଡ । ଜିସୁ କ୍ରିଷ୍ଣ ଅରବ୍‌ଦାମ୍ ନୁ ସାରେଦିନାଡ୍ ମାଇଦିଙ୍କ ତାନ ମେନ୍ଦୁଲ୍‌ତିନ୍ ପୁଜି ଇଶ୍ବରନ୍ ଇଚ୍ଛା ସାଦନ୍ ମାଡିମାନ୍‌ନା ମାୟଦିଙ୍କ ଅନାଦ୍ ଇଦ୍ ବଲି ସେଙ୍ଗେ ମାନାଡ୍ ସାରେତଡ୍ ପାପାମ୍ ତାଗାଙ୍କ ପରିଷ୍କାର୍ ଆଡ୍‌ତାଡ୍ ।

୧୧ ଇହୁଦୀ ପୁଜାରିତ୍ ସାରେଦାମ୍ ତାମାଦ୍ କାମ୍ ମାଡି ଆଦେ ଅରବ୍ ପ୍ରକାର୍ ମେଣ୍ଡେ ପୁଜା ଇଦୁତଡ୍, କିନ୍ତୁ ଇଞ୍ଜସାରେ ପୁଜକେବାର୍ ବେସୁଙ୍କ ବା ପାପ୍ ମାୟି ଆନ ।

୧୨ କିନ୍ତୁ କ୍ରିଷ୍ଣ ପାପ୍ ତେରି ଇଞ୍ଜ ସାରେଦିନା ମାଇଦିଙ୍କ ଆଣ୍ଡୟେ ପୁଜତଣ୍ଡ । ଆ ପେକେ ଅଣ୍ଡ ଆଞ୍ଜମାଞ୍ଜ ଇଶ୍ବରନ୍ ତିନ୍ଦେ ପାକେ କୁଦି ମିନ୍ଦେଣ୍ଡ ।

୧୩ ଇଶ୍ବର ତାନ୍ ଶତ୍ରୁନାରୁତକିନ୍ ତେକେ ଝିକାନାଦ୍ କୁତୁଲ୍ ଆୟନା, ଅଣ୍ଡ ଆଗା କେପି ମାନତଣ୍ ।

୧୪ ବେନଡ୍ ପାପ୍ ଝିଡ଼ସି ସାୟେ ଆସ୍ ମିନ୍ଦେଡ୍, ଆଦ୍ ଅଣ୍ଡୟଦାମ୍ ପୁଜାନ୍ ଦ୍ବାରା ଅଡ଼କିଂଙ୍କ୍ ଅଣ୍ଡ ସାର୍ବେଦିନା ମାଇଦିଙ୍କ୍ ପବିତ୍ର ମାଡ଼ି ମିନ୍ଦେଣ୍ ।

୧୫ ପବିତ୍ର ଆମ୍ବା ମେଣ୍ଡେ ତାନାଦ୍ ସାକ୍ଷି ଇସ୍ କେତୁତଣ୍ ।

୧୬ ପ୍ରବୁ କେଡ଼ତଣ୍ଡ, “ଝାୟାନ୍ କାଲାମ୍ତେ ନାନ୍ ଅଡ଼ସାଙ୍କ୍ ଇଦ୍ ମାଜା ଝିଡ଼ସି ମାନତାନ୍ । ନାନ୍ ନା ପୁନାଦ୍ କାନୁନ୍ତା ମାଜାନ୍ ଅଡ଼ ଜିଝୁତାଗ୍ ଝାଟିତାନ୍, ଅଡ଼ ଏକାତାଗ୍ ଲେକା କିଦ୍ତାନ୍ ।”

୧୭ ମେଣ୍ଡେ ଅଣ୍ଡ କେଡିତଣ୍ଡ, “ନାନ୍ ମେଣ୍ଡେ ଅଡ଼ ପାପ୍ ନୁ ଅପରାଦ୍ ପାଡିୟଦିନ୍ ବେସୁଙ୍କ୍ବା ଏକା ମାଡ଼ନ୍ ।”

୧୮ ଆଦିନ୍ ଅଡ଼ ଯଦି କ୍ଷମା ଆସ୍ ମିନ୍ଦେଡ୍, ଇଡ଼କେ ପାପ୍ ନର୍ଦାନ୍ ମାଇଦିଙ୍କ୍ ମେଣ୍ଡେ ପୁଜାନଙ୍କ୍ ଦରକାର୍ ଇଲା ।

ଇଶ୍ବରନ୍ ଗାର୍ ଆଦାନାଦ୍

୧୯ ଆଦିନ୍ ଆ ଦାଦାଲଡି ନୁ ଏଲାୟ୍, ଜିସୁ ତଲ୍ତା ସାଙ୍କ୍ ମାନାଙ୍କ୍ ବାଡିୟା ପବିତ୍ର ଜାଗାତାଗ୍ ଆଦାନଙ୍କ୍ ସାର୍ବେ ଅଦିକାର୍ ଦର୍ଜତା ।

୨୦ ଅଣ୍ଡ ତାନ୍ ମେନ୍ଦୁଲ୍ ଇସ୍ ମାନ୍ ମାଇଦିଙ୍କ୍ ଅରଟ୍ ପୁନା ଜିଝୁଡ୍ ଆର୍ ତହସିସ୍ ମିନ୍ଦେଣ୍ ।

୨୧ ଇଶ୍ବରନ୍ ଲୋନ୍ ଇଞ୍ଜେ ମାନ୍ ବାଡିୟା ପୁଜାରିଡ଼୍ କାଇଦେ ମିନ୍ଦେ ।

୨୨ ସାର୍ବେତର୍ ଝାରାଟ୍, ମାନାଡ଼୍ ନେଲା ଜିଝୁତେ ନୁ ନେକା ବିଶ୍ବାସତେ ଇଶ୍ବର ଗାରେ ଆଦିକାଡ଼୍; ବାତାଙ୍କ୍ ଇଡ଼କେ ମାନାଡ଼୍ ଇଞ୍ଜେ ମାନ୍ଦାନ୍ କାରାପ୍ ଜିଝୁ ନୁଞ୍ଜ୍ କ୍ରିଷ୍ଟନ୍ ନେତୁର ତଡ଼୍ ଜାଡ଼୍ ଆସ୍ ମିନ୍ଦେଡ୍, ନୁ ମାନ୍ ହୃଦୟ୍ ଝେଡ଼ତା ଏର୍ଦେ ନର୍ସ୍ ମିନ୍ଦେଡ୍ ।

୨୩ ବେନ୍ ଆଗା ମାନାଙ୍କ୍ ମିନ୍ଦେ ଇଞ୍ଜେ ସ୍ବାକାର୍ ମାଡ଼ତଡ଼୍, ଆଦିନ୍ ତାରୁମ୍ ପୋଇସ୍ ମାନ୍ଦାନ୍ ଝେଇଡିଡ଼୍, ବାତାଙ୍କ୍ ଇଡ଼କେ ମାନାଡ଼୍ ଇଶ୍ବର କେଡ଼ତା ମାଜାତାଗ୍ ଆସା ମାଡୁତାଲ୍ ।

୨୪ ଝାରାଟ୍, ମାନାଡ଼୍ ଝେରେତଡ଼କିଙ୍କ୍ ଏକା ମାଡି ଅଡ଼କ୍ ସାହାଯ୍ୟ ମାଡିକାଲ୍; ଇଦେଲେକାମ୍ ପ୍ରେମ୍ତେନେ ସଡ଼ କାମ୍ ମାଡିକାଲ୍ ।

୨୫ ମେଣ୍ଡେ ବେନବେନ ମାନ ମଣ୍ଡଲିତାର ଉପାସନା ମାଡାନଙ୍କ ଆନନ୍ଦ, ମାନାଲ ଆଲା ମାଡ଼ିଆଲ; ମେଣ୍ଡେ ପରସ୍ପର ଉତ୍ସାହ ମାଡ଼ିକାଲ, ବାତାଙ୍କଇତକେ ପ୍ରବୁନାଦ ଦିନାମ୍ ଜାପେ ଖାଦୁତା ।

୨୬ ବାତେଙ୍କଇତକେ ମାନାଲ ନିଜାମ୍ ସଡ଼ ପୁଡ଼ତା ପେକେ ଗାଲେୟ ମାନାଲ ଯଦି ପୁଞ୍ଜପୁଞ୍ଜ ମେଣ୍ଡେ ପାପ୍ ମାଡ଼ିତାଲ, ଆଲାଇତକେ ମେଣ୍ଡେ ବାତାବା ପୁଜସକେ ଗାଲେୟ ମାନାକିନ୍ ପାପ୍ ତିଞ୍ଜ ଗେଲ୍‌ସ୍ତା ପାଞ୍ଜ ।

୨୭ ଇତକେ ବିଚାରତାର ମେଣ୍ଡନ୍ ପାକା ନେକା ବେଡ଼ିୟଡ଼୍‌ପରିକ୍ୟା ନୁ ଇଶ୍ବରତେ ବିରଦ୍‌ନାରୁଡ଼ ନେକା ପତାନ୍ କିସ୍ତାର କାର୍‌ଖାତଡ଼ ।

୨୮ ବେନ ଯଦି ମୋଶାନ୍ ନିୟମତିଙ୍କ ମାନେମ୍ ଆୟଣ୍ଡ, ଅଙ୍କ ଦୟା ମାଡ଼ିଆ ଇର୍‌ହୁଡ଼ କି ନାଗେ ନାରୁଡ଼ ସାକ୍ଷି ମାଇଦିଙ୍କ ଡଲାନ ଖେଇଡ଼ି ।

୨୯ ଆଲାଇତକେ, ବେନଣ୍ଡ ଇଶ୍ବରନ୍ ମାରିନ୍ ବେକାର ଇନ୍‌ଡଣ୍ଡ, ଇଶ୍ବରନ୍ ପୁନା ନିୟମତାଦ୍ ନେତୁର ତଡ଼ ପାପ୍‌ସାରେ ନରସ୍ ଆଡକେ ମେଣ୍ଡେ ଅନ୍ ପାପ ଇନ୍‌ଡଣ୍ଡ ମେଣ୍ଡେ ଜିହ୍ମାତାନ୍ ପବିତ୍ର ଆମ୍‌ନ ଦୁସାତଣ୍ଡ, ଅଙ୍କ ବେଲା ବେସବେଡିଆଦ୍ ଦଣ୍ଡ ଦକ୍ତ ? ଆଲ୍‌ସୁଡାଟ୍, ଅଣ୍ଡ ବେସର୍ ଦଣ୍ଡ ପାଏମ୍ ଆଦତଣ୍ଡ ।

୩୦ “ନାନ୍ ବାଦଲା ଆଦତାନ୍, ନାନ୍ ଦଣ୍ଡ ଇଦାନନ୍,” ଇଦ୍ ମାଜା ବେନ କେତଣ୍ଡ, ଅଙ୍କ ମାମ୍ ପୁତମ୍ । ଅଣ୍ଡ ମେଣ୍ଡେ କେତଣ୍ଡ ଯେ, “ପ୍ରବୁ ତାନ୍ ନାରୁଡ଼କିନ୍ ନ୍ୟାୟ ମାଡ଼ିତଣ୍ଡ ।”

୩୧ ଜିହ୍ମ ମାନ୍‌ନ ଇଶ୍ବରନ୍ ବିଚାର ମୁନେ ଆଦାନାଦ୍ ନେକା ଖେରୟାନାଦ୍ ବିଷୟ ।

୩୨ ମିଡ଼୍ ମୁନେଙ୍କ ବେଲା ମାଡ଼ିତଡ଼ ଏରକା ମାଡୁତାଲ୍, ଇଶ୍ବରନ୍ ଖେସ୍ ଖାଉ ପେକେ ମିଡ଼୍ ନେକା ଦୁକାମ୍ କଷ୍ଟତେ ବାଦକ୍‌ତିଡ଼, କିନ୍ତୁ ଆରେମ୍ ଆଇଞ୍ଜା ମାଡ଼ିତଡ଼ ।

୩୩ ବସ୍ ବେସୁଙ୍କ ମିକିଙ୍କ ଲିନ୍‌ନା ମାଡ଼ିତଡ଼ ନୁ ରେତାନଙ୍କ ଆସମାତଡ଼ । ମେଣ୍ଡେ ବସ୍ ବେସୁଙ୍କ ମିଡ଼୍ ଖେରଣ୍ଡ ଦୁକାମ୍ କଷ୍ଟତେ ଆଞ୍ଜମେଣ୍ଡେ କାଇଲିନିଡ଼ ।

୩୪ ମିଡ଼୍ ତାନାତାର ମାନ୍‌ନାନ୍ ଦୁକାମ୍ କଷ୍ଟତେ ତଡ଼ କାୟିଲିନିଡ଼, ମେଣ୍ଡେ ବେସୁଙ୍କ ମିନ୍‌ନାଦ୍ ସାରେ ଦାନ୍ତିଙ୍କ ଆଡତଡ଼, ଆସୁର୍ ମିଡ଼୍,

କ୍ଷେତ୍ରକାଳେ ମାଞ୍ଜ ବାତେବା ଡିରୟୁଡ଼ିତ୍, ବାତାଙ୍କୁଇତ୍ତକେ ମିୟାଦ୍
ସାରେଦିନାତ୍ ଦାନ ସମ୍ପତି ମିନ୍ଦେ, ଆଦ୍ ମିଡ୍ ପୁଞ୍ଜମାଡିତ୍ ।

୩୫ ଆଦିନ୍ ମିୟାଦ୍ ସାହାସ୍ତିନ୍ ଆରାମାଡ଼ମାଟ୍, ବାତେଙ୍କୁଇତ୍ତକେ
ଆଗା ବାଡ଼ିୟା ଇନାମ୍ ମିନ୍ଦେ ।

୩୬ ମିଡ୍ ଆରେମ୍ ଆୟୁଞ୍ଜା ମାନ୍ୟାନାଦ୍ ଆସ୍ତକେ ପରମେଶ୍ବର
କେଡ଼ତାଦିଙ୍କ୍ ମିଡ୍ ମାଡ଼ି, ପରମେଶ୍ବର ମିକିଙ୍କ୍ ପ୍ରତିଜ୍ଞା ମାଡ଼ି
ମାଡ଼ତାଦିନ୍ ଦର୍କାକିଡିତ୍ ।

୩୭ ଦର୍ମଶାସ୍ତ୍ରତାଗ୍ ଲେକାମିନ୍ଦେ, “ସୁଦୁର୍ ସମୟ ମିନ୍ଦେ, ଅଣ୍
ଞ୍ଜାଦାନାଦ୍ ଏଞ୍ଜତା, ଅଣ୍ ନିଜାମେ ଞ୍ଜାଦତଣ୍, ଅଣ୍ ଲେଟ୍ ମାଡ଼ଣ୍ ।”

୩୮ ମାନ୍ ଦାମ୍ କନାରୁଡ଼ ବିଶ୍ବାସ୍ତେ ଗେଲ୍ସିତଡ୍, କିନ୍ତୁ ବେନ
ପେକେ ମାଲ୍ସ୍ ଅନ୍ତଣ୍, ଆଲାଇତ୍ତକେ ମା ଆମ୍ ଅନାଗ ସନ୍ତୁଷ୍ଟ
ଆୟ ।

୩୯ ମାଡି ବେନଡ଼ ତଲାନ୍ ମାଲ୍ସିଙ୍କ୍ ପେକେ ମାଲ୍ସ୍ ଅନ୍ତଡ଼, ମାମ୍
ତାମ୍ ମାନ୍ଦେଡ଼ ନାରୁଡ଼ ଆୟମ୍, ବେନଡ଼ କି ମାନ୍ ପରିତ୍ରାଣ ବିଷୟତେ
ବିଶ୍ବାସ୍ ମାଡ଼ିତଡ଼, ମାମ୍ ଆ ମାନ୍ଦେଡ଼ ନାରୁମ୍ ।

୧୧

ବିଶ୍ବାସ୍ ଉଦାରନ୍

୧ ବିଶ୍ବାସ୍ ଇତ୍ତକେ ବାତା ? ବିଶ୍ବାସ୍ ଇତ୍ତକେ ମାନାଲ୍ ଆଗା
କିୟାନାଦ୍ ମାଜା ନିଜାମ୍ ଆଡ଼ତେ ଇଞ୍ଜ ଅଣ୍ଟୟ ଏକାତେ ମାନ୍ୟାନାଦ୍;
ମେଣ୍ଟେ ମାନାଲ୍ ଉଡ଼ଞ୍ଜାଦ୍ ମାଟା ନିଜାମ୍ ମିନ୍ଦେଣ୍ଟେ ଇଞ୍ଜ ନିଜାମ୍
ପୁନ୍ୟାନାଦ୍ ।

୨ ମୁନେଡ଼ କାଲାମ୍ତେ ନାରୁଡ଼ ଇଦେ ବିଶ୍ବାସ୍ତେ ମାଡ଼ତାଙ୍କ୍ତେ
ସାରେତଡ଼ ଇଶ୍ବରତେ ସାୟେଡ଼ ନାରୁଡ଼ ଆସ୍ତମାଡ଼ତଡ଼ ।

୩ ☆ବିଶ୍ବାସ୍ତେ ମାମ୍ ପୁନ୍ତମ୍ ଯେ ଇଶ୍ବର କେଡ଼ତେ ମାଟାତେନେ
ବୁମ୍ ତିଆର୍ ଆଉ, ଆଦିଙ୍କ୍ ତନ୍ଦ୍ରାଗା ନୁଞ୍ଜ ସାରେ ତନ୍ୟାନାଞ୍ଜ ତିଆର୍
ଆଉ ।

୪ ବିଶ୍ବାସ୍ତେ ତଡ଼ ହେବଲ୍ କୟିନ ନୁଞ୍ଜ ନାଗେ ପୁଜା ଇସ୍
ମାଡ଼ତଣ୍ । ତାନ୍ ବିଶ୍ବାସ୍ତେ ମାଲ୍ସିଙ୍କ୍ ଇଶ୍ବର ଅନାଦ୍ ନେବେଦ୍ୟ

ଗ୍ରହଣ ମାଡ଼ତଣ୍ଡ ମେଣ୍ଡେ ଅଣ୍ଡ ନେକା ନେଲେତଣ୍ଡ ଇଞ୍ଜ କେଡ଼ତା, ତଲ୍ଲକେମେଣ୍ଡେ ବିଶ୍ୱାସତେ ମାଇଦିଙ୍କ ହେବଲ୍ଲ ନେଣ୍ଡଆଇନା ଗଟି ତିରଫୁତଣ୍ଡ ।

୫ ବିଶ୍ୱାସ ଦ୍ୱାରା ଆନୋକ ତଲ୍ଲଖାମାଞ୍ଜ ମେନ୍ଦୁଲ୍ଲତେ ପର୍ ଆଡ଼ଣ୍ଡ । ଅଣ୍ଡ ତୋନ୍ଦିଲେଣ୍ଡ, ବାତାଙ୍କଇଡ଼କେ ପରମେଶ୍ୱର ଅଙ୍କ ଆଡ଼ତା । ଅଣ୍ଡ ଖେରଣ୍ଡ ସାୟେ ନାରୁଣ୍ଡ ମାଡ଼ତଣ୍ଡ, ଆଦାନ୍ ମୁନେ ଅଙ୍କ ନେଲାତଣ୍ଡ ଇଞ୍ଜ ପୁଞ୍ଜମାତଡ଼ ।

୬ ବିଶ୍ୱାସ କିଞ୍ଚା ଇଶ୍ୱରନ୍ ସନ୍ତୁଷ୍ଟ ମାଡ଼ାଙ୍କ ଆୟ, ବାତାଙ୍କଇଡ଼କେ ଅଣ୍ଡ ଅଙ୍କ ମେହେକାନଡ଼କିଙ୍କ ଇନାମ୍ ଇତଣ୍ଡ ଇଞ୍ଜ ତାନ୍ ଗାରେ ଖାଦାନ୍ ନାରୁଡ଼ ବିଶ୍ୱାସ ମାଡ଼ାଙ୍କ ଖେଇତିଡ଼ ।

୭ ବିଶ୍ୱାସତେ ମାଇଦିଙ୍କ ନୋହ ପୁନ୍‌ଖାମାତା ବିଷୟତେ ଇଶ୍ୱରନ୍ ସତର୍କ ବାଣୀ କେଞ୍ଜିମାତଣ୍ଡ । ଅଣ୍ଡ ଇଶ୍ୱରନ୍ ଗର୍ତ୍ତେ ମାଞ୍ଜମେଣ୍ଡେ ଅରର୍ ଜାହାଜ୍ ତିଆର୍ ମାଡ଼ତଣ୍ଡ । ଆଗା ଅଣ୍ଡ ନୁ ତାନ୍ ଲୋଡ଼ତେ ମୁଲ୍ଲସାରେତଡ଼ ଗେଲ୍ଲସି ମାଡ଼ତଡ଼, ବୁମ୍‌ତାଗ୍ ମାନ୍ଦାନଡ଼ ସାରେ ଦଣ୍ଡ ପାଏମ୍ ଆଡ଼ତଡ଼, କିନ୍ତୁ ନୋହ ବିଶ୍ୱାସତେ ମାଇଦିଙ୍କ ସାୟେଡ଼ ପୁରସ୍କାର ଦରକ୍‌ସତଣ୍ଡ ।

୮ ଇଶ୍ୱର ଅବ୍ରାହାମ୍‌ତିଙ୍କ ଅରର୍ ଦେଶ୍ ଇତାନଇଞ୍ଜ ଅରର୍ ମାଟା ଓଡ଼ିସିମାତେ, ଆ ଦେଶତାଗ୍ ଆଦାନଙ୍କ ମାଇଦିଙ୍କ ଅଣ୍ଡ ଆସୁଙ୍କ ଅଙ୍କ କାରଙ୍ଗତଣ୍ଡ, ଆସୁଙ୍କ ଅବ୍ରାହାମ୍ ବିଶ୍ୱାସତେ ଇଶ୍ୱରନ୍ ମାଟାତିନ୍ ମାନେମ୍ ଆସମାତଣ୍ଡ, ଅଣ୍ଡ ବେ ଆଦୁତଣ୍ଡ ଆଦ ପୁନ୍‌ଖା କଞ୍ଚ ମେଣ୍ଡେ ତାନାଦ୍ ଦେଶ ଓଡ଼ିସି ଆତଣ୍ଡ ।

୯ ଅଣ୍ଡ ବିଶ୍ୱାସତେ ଇଶ୍ୱର କେଡ଼ତା ଦେଶାମ୍‌ତାଗ୍ ବିଦେଶୀ ଲେକାମ୍ ବାସେ ମାଡ଼ତଣ୍ଡ । ଅଣ୍ଡ ତମ୍ବୁଡ଼ାଗ୍ ବାସେ ମାଡ଼ତଣ୍ଡ ନୁ ଅନ୍ ଲେକାମ୍ ଇଶ୍ୱରତାଗାଙ୍କ ପ୍ରତିଜ୍ଞା ପାଏମ୍ ଆସ୍ ଇସହାକ୍ ନୁ ଜାକୁବ୍ ମିକା ଆଦଲେକେନ୍ ତମ୍ବୁଡ଼ାଗ୍ ବାସେ ମାଡ଼ିମାଡ଼ତଡ଼ ।

୧୦ ବେନ୍ ସାରେଦିନାମ୍ ମାନ୍ଦାନ୍ ନଗର୍ ଇଶ୍ୱର ଚିନ୍ତେ ମାଡ଼ତଣ୍ଡ ନୁ ତିୟାର ମାଡ଼ତଣ୍ଡ, ଅବ୍ରାହାମ୍ ଆଦ୍ ନଗର୍‌ତିଙ୍କ କେପି ମାଡ଼ତଣ୍ଡ ।

୧୧ ସାରା ଡ଼ଙ୍କେଡ଼ ଆଦାନଙ୍କ ପାରଞ୍ଜକ୍ ଗାଲା, ବିଶ୍ୱାସତେ ମାୟ୍‌ଦିଙ୍କ ଅବ୍ରାହାମ୍ ପେଦ୍‌ଖାଲ୍ ଆଡ଼ତେଖେଲେ ମିକା ବାବାଲ୍ ଆଦାନଙ୍କ ପାରତଣ୍ଡ । ଇଶ୍ୱର ତାନ୍ ଗର୍ ନେଃଏତିତଣ୍ଡ ଇଞ୍ଜ ଅବ୍ରାହାମ୍‌ତାଦ୍

ବିଶ୍ୱାସ୍ ମାତ୍ରେ ।

^{୧୭} ଆବ୍ରାହାମ୍ ତଲାନ ଲେକେମ୍ ଆସ୍ ମାତ୍ରେ ଗାଲା ଅନାଗାଙ୍କ ମୟଲ୍ତାଗ୍ ଉକାକ୍ ନୁ ସମୁଦ୍ରତେ ଉସ୍ ଇନା ଲେକାପାର୍ଝା ବଂଶଦର୍ ପୁଟତଡ୍ ।

^{୧୮} ପରତଡ୍ ନାରୁଡ୍ ନିଜର୍ ବିଶ୍ୱାସ୍ତାଗ୍ ଗାଡ୍ସ୍ ମାଞ୍ଜ୍ ତଲ୍ତଡ୍ । ଇଶ୍ୱର ପ୍ରତିଜ୍ଞା ମାଡିମାନ୍ଦାନ୍ ବିଷୟ୍ ସାରେ ଅଡ୍କିଙ୍କ୍ ଦରକକ୍ ଗାଲା ସୁଦୁର୍ ଜେକେ କଞ୍ଚ୍ ଉଡି ଅଡ୍ ସ୍ୱାଗଡ୍ ମାଡିମାତ୍ତଡ୍ ନୁ ଇଦ୍ ଜଗଡ୍ତାଗ୍ ଅଡ୍ ମାତର୍ ବିଦେଶୀ ନୁ ଦେଶୀ ନାରୁଡ୍ ଇଞ୍ଜ୍ ସ୍ୱୀକାର୍ ମାଡ୍ତଡ୍ ।

^{୧୯} ବେନ୍ ନାରୁଣ୍ ଇଲା ତିରୟୁତଣ୍, ଅଡ୍ ମେଣ୍ଡିଅରଟ୍ ବାଦକାନ୍ ମାଇଦିଙ୍କ୍ ମେଦକ ମିନ୍ଦେଡି ଇଞ୍ଜ୍ ପୁନ୍ଦାଙ୍କ୍ ଆଦତା ।

^{୨୦} ଅଡ୍ ବେନ୍ ଦେଶ ଓଡ୍ସି ଝାସ୍ମାତଡ୍, ଆଦ୍ ଦେଶତିନ୍ ମେଣ୍ଡେ ଏକା ମାଡ୍ତଝେ ମାଡ୍ତଡ୍ । ଯଦି ଏକା ମାଡ୍ତଡ୍, ଆଲାଇଡ୍ରେ ଆଗା ଅଡ୍ ମାଲ୍ସ୍ ଆନେଡ୍ ।

^{୨୧} ଇଡ୍ରେ ଅଡ୍ ଅରଟ୍ ବାଡିୟା ଦେଶତାଗ୍, ଆ ସ୍ୱର୍ଗତା ଦେଶତାଗ୍ ଆଦାନ୍ ମାଇଦିଙ୍କ୍ ଆଗେମାଡିମାତଡ୍ । ଆଦିଙ୍କ୍ ଅଡ୍ ଇଶ୍ୱରଙ୍କ୍ ନିଜର ଇଶ୍ୱର ଇଞ୍ଜ୍ କେତାନ୍ ଦ୍ୱାରା ଅଣ୍ ସିଗ୍ ଆଇଝା ମାଡ୍ତଣ୍ । ଇଞ୍ଜେ, ଇଶ୍ୱର ତାମ୍ ମାଇଦିଙ୍କ୍ ଅରଟ୍ ନଗର୍ ତିଆର୍ ମାଡି ମାଡ୍ତେ ।

^{୨୨} ଇଶ୍ୱର ଅବ୍ରାହାମ୍ତାଦ୍ ବିଶ୍ୱାସ୍ ପରିକ୍ଷା ମାଡାନ୍ଝେଲେ ଆବ୍ରାହାମ୍ ତାନ୍ ମାର୍ ଇ ସାକ୍ସିନ୍ ପୁଜାନଙ୍କ୍ ତିଆର୍ ଆସ୍ମାତଣ୍ । ଇଶ୍ୱର ଅବ୍ରାହାମ୍ତିକ୍ରେ ତାନ୍ ପ୍ରତିଜ୍ଞା ଇସ୍ମାତଣ୍, ଅବ୍ରାହାମ୍ ତାନ୍ ଝେରଣ୍ଡେ ମାରିଙ୍କ୍ ପୁଜାନଙ୍କ୍ ତିଆର୍ ଆସ୍ମାତଣ୍ ।

^{୨୩} ଇଶ୍ୱର ଅଙ୍କ୍ କେସ୍ମାତଡ୍, “ନାନ୍ ନିକିଙ୍କ୍ ବେନ୍ ବଂଶ ଇଦ୍ତାନ୍ ଇଞ୍ଜ୍ କେସ୍ମାତଡ୍, ଆଦ୍ ଇସାକନ୍ତୁ ଜନମ୍ ଆଡ୍ତେ ।”

^{୨୪} ଇଶ୍ୱର ଇଦ୍ସାକ୍ତିଙ୍କ୍ ତଲାନାଗାନ୍ତୁଞ୍ଜ୍ ଜିଝୁ ଇଦାନଙ୍କ୍ ପାଦେତଣ୍, ଇଲା ବିଶ୍ୱାସ୍ ଅବ୍ରାହାମ୍ତିଙ୍କ୍ ମାଡ୍ତେ । ଇଞ୍ଜେ, ଅବ୍ରାହାମ୍ ଇ ସାକ୍ସିନ୍ ତଲାନାଗାନ୍ତୁଞ୍ଜ୍ ଦରକ୍ସତଣ୍ ଇଞ୍ଜ୍ କେଡ୍ରେ ବାରେ ବୁଲ୍ ଆୟ ।

^{୨୫} ଇସାକ୍ ତାନ୍ ବିଶ୍ୱାସ୍ତେ ମାଇଦିଙ୍କ୍ ଯାକୁବନ୍ ନୁ ଏଣ୍ଡୋ ସାରେ ସୁକାମ୍ତେ ବାଦକାନ୍ ମାଇଦିଙ୍କ୍ ଆଗ୍ ବାଦ୍ ମାଡିମାତଣ୍ ।

^{୨୬} ବିଶ୍ୱାସ୍ତେ ମାଇଦିଙ୍କ୍ ଯାକୁବ ତଲାନ ମୁନେଙ୍କ୍ ଯୋସେଫ୍ତେ

ଇରଞ୍ଜର ମାରିତକ ଆଶିବାଦ ମାଡ଼ିମାଡ଼ତଣ୍ଡ । ଅଣ୍ଡ ତାନାଦ
ହୁଡ଼ତେ ପର୍ବ ରୟି ଇଶ୍ବରନ୍ ସେଖେ ମାଡ଼ିମାଡ଼ତଣ୍ଡ ।

୨୭ ଯୋସେଫ ଡଳାନ୍‌ଖେଲେ ତାନ୍ ବିଶ୍ବାସତେ ମାଇଦିଙ୍କ
ଇସ୍ରାଏଲଡ଼ ନାରୁଡ଼ ମିଶର ଦେଶନ୍‌ଅ ଆଦାନ୍ ବିଷୟତେ
ବବିଷ୍ୟତବାଣୀ ମାଡ଼ିମାଡ଼ତଣ୍ଡ ମେଣ୍ଡେ ତାନ୍ ଡଲ୍‌ତା ମେନ୍‌ଲୁଡ଼ିଙ୍କ
ବେଲା ଖାଟାଙ୍କ ଆଦତେ, ଆଦ ମେଣ୍ଡେ କେସ୍‌ମାଡ଼ତଣ୍ଡ ।

୨୮ ବିଶ୍ବାସତେ ମାଇଦିଙ୍କ ମୋଶାନ୍ ଯାୟ ବାବଡ଼ ପୁଟତେ ପେକେ
ମୁଣ୍ଡ ନେଲ୍‌ଅନା ମିଞ୍ଜିମାଡ଼ତଣ୍ଡ । ପିଲାତ ସୁନ୍ଦର୍ ଉଡ଼ି ଅଡ଼
ରାଜାନ୍ ଆଦେଶତିନ୍ ମାନେମ୍ ଆୟମ୍ ଇଞ୍ଜି ଖେରଖେ ମାଡ଼ତଣ୍ଡ ।

୨୯ ମଶାଲ୍ ପେସ୍‌ସ୍ ପେକେ ବିଶ୍ବାସତେ ମାଇଦିଙ୍କ ଫାରୋ ରାଜାନ୍
ମାୟାଡ଼ତେ ମାର୍ ଇଞ୍ଜି କେତାନଙ୍କ ମନାମାଡ଼ତଣ୍ଡ ।

୩୦ ପାପାମତାଗ୍ ମାଞ୍ଜି ସେନେକ୍ ବାଦକାନ୍ ଓଡ଼ିସି ଇଶ୍ବରନ୍ ନାରୁଡ଼
ସାଙ୍ଗ୍ ଦୁକାମତେ ମାନ୍‌ନାଙ୍କ ଇଷ୍ଟାମ୍ ମାଡ଼ିମାଡ଼ତଣ୍ଡ ।

୩୧ ଅଣ୍ଡ ମିସର୍ ଦେଶଡ଼ ସାରେ ଦନ ଓଡ଼ିସି ଜିସୁଙ୍କ ମାଇଦିଙ୍କ
ପାସ୍ତାନଙ୍କ ଆଦାଙ୍କ ସାୟେ ଇଞ୍ଜି ଆଲ୍‌ସିମାଡ଼ତଣ୍ଡ, ଇଡ଼କେ ଦର୍ଜାନ୍
ପୁରସ୍କାରତେ ସେଙ୍ଗେ ଅନ୍ ଲକ୍ଷ ମାଡ଼ତା ।

୩୨ ମଶାଲ୍ ତାନ୍ ବିଶ୍ବାସତେ ରାଜାନ୍ କପାମତିନ୍ ଖେରୟେକର୍
ମିସର୍ ଦେଶ ଓଡ଼ିସି ମାଡ଼ତଣ୍ଡ । ଆଦିଙ୍କ ମାଲ୍‌ସ୍ ଆଦାନଙ୍କ ମନା
ଆସ୍‌ମାଡ଼ତଣ୍ଡ ।

୩୩ ବିଶ୍ବାସାମତେ ଅଣ୍ଡ ନିସ୍ତାର ପାଣ୍ଡୁ ତିଆର୍ ମାଡ଼ିମାଡ଼ତଣ୍ଡ ନୁ
ଆଞ୍ଜକାନ୍ ଦୂତ ବେଲାକି ଇସ୍ରାଏଲ୍ ନାରୁଡ଼ ବାଡ଼ିୟା ମାର୍‌କିନ୍
ଆଞ୍ଜକକର୍ ମାଡ଼ା, ଆଦିନ୍‌ମାଇଦିଙ୍କ କାପାଟାଗ୍ ନେଡୁର୍ ଅକାନଙ୍କ
ଆଦେଶ ଇସ୍‌ମାଡ଼ତଣ୍ଡ ।

୩୪ ବିଶ୍ବାସତେ ଇଶ୍ରାଏଲ୍‌ତ ନାରୁର୍ ଖାସ୍‌ତେ ନେଲ୍‌ଦ୍ ପରର
ଡାକାନ୍ ଲେକାମ୍ ନେଡୁର୍ ଗଦାରଡ଼ିଙ୍କ ଖେଇସ୍ ଆଞ୍ଜମାଡ଼ର,
ମିସରାୟନାରୁଡ଼ ଆଦରକାମ୍ ଖେୟଦାନଙ୍କ ତେଷ୍ଟାମାଡ଼ି ମୁଡ଼ି
ଡଲ୍‌ତର୍ ।

୩୫ ଇଶ୍ରାଏଲ୍ ନାରୁର୍ ଯିରାୟ ନଗର ନେଟେଡ଼ ତିଡ଼ିୟି ପାକା
ବିଶ୍ବାସତେ ସାଡ଼ ଦିନାମ ଉଡ଼ତେ ପେରକେ, ଆଦ ମାଣ୍ଡୁ ତାଗ୍
କାଞ୍ଜା ଆଡ଼ା ।

୩୬ ବେଶ୍ୟା ରାହାବ ତାନ୍ ବିଶ୍ବାସତେ ମାଇଦିଙ୍କ ଇସ୍ରାଏଲ୍‌ଦ୍

ମିତ୍ରମାନ୍ୟାନ୍ ତତ୍ତ୍ଵମିଦଂ ପଞ୍ଚମଃ । ମେଷେ ଦେଉତ୍ୟଃ ବିରୁଦ୍ଧଂ
ପାତ୍ୟମ୍ ନାତ୍ୟମ୍ ନାରୁତ୍ୟଂ ସାଞ୍ଜଂ ତଳକଟଂ ରକ୍ଷା ପାଦମ୍ ଆତତ୍ୟମ୍ ।

୩୭ ନାନ୍ ମେଷେ ବେଦ୍ୟଂ ମାତା କେତିତାନ୍ ? ଗିରିୟ, ବାରାକ, ସାମ୍ବନ୍ଧ, ଜିପ୍ସାହ, ଦାଉଦ, ସାମ୍ବନ୍ଧ, ମେଷେ ବାବବାଦୀତ୍ ବିଷୟ କେତାନଙ୍କୁ ଆତକେ ସମୟ ଆଲ ।

୩୮ ବିଶ୍ଵାସେ ଇତ୍ତଃ ଶ୍ରେରେ ଦେଶେନାତ୍ ବିରୁଦ୍ଧତେ ଯୁଦାମ୍ ମାତି ସାଦନ୍ କିତ୍ତର, ଦେଉତ୍ୟ ପ୍ରତିଜ୍ଞା ମାତି ମାତତା ବିଷୟ ସାରେ ପ୍ରାପ୍ତ ଆତ୍ତର, ଇତ୍ତର ଗଣ୍ଡାସ୍ତ ପାୟୁର ବନ୍ଧ କିତ୍ତର ।

୩୯ କିସ୍ତାଗାଙ୍କ ବଞ୍ଚାକିତର ମେଷେ ବାତ୍ତୟେ ତୁର ଶ୍ରେୟତାଗାଙ୍କ ଗେଲ୍ପତତ୍ । ଇତ୍ତ ସାତ୍ତ୍ଵାମ୍ ଇଲକଟେ ମାତତର, ଇତ୍ତକେ ଗାତି ଲାଞ୍ଜଦାନଶ୍ଚ ଆତର, ଯୁଦ୍ଧତାମ୍ ପରାକ୍ରମି ଆସ୍ ଶ୍ରେରେ ଦେଶେତ୍ କପାମ୍ ମାନ୍ୟାନ୍ ସୈନ୍ ନାରୁତ୍ୟଂ ଆରା ମାତତତ୍ ।

୪୦ ବିଶ୍ଵାସତେ ନାଟ୍ୟା ତାମ୍ ତଲ୍ପତା ନିଜ ନାରୁଙ୍କୁ ଜିଶ୍ଵେତେ ଦରକ୍ଷତା । ଶ୍ରେରେତାଞ୍ଚ ଅଶ୍ଵୟ ମାତ୍ତେ ଜିହ୍ଵ ଦର୍ଶାନ୍ ଆଶେତେ ତାମ୍ ସ୍ଵାଦିନତିନ୍ ନିଜର ଇଚ୍ଛାତେ ଇସ୍ ତିପାଲ୍ପତେ ତଲ୍ପତତ୍ ।

୪୧ ବେନ ପରିଆସ୍ ଆତ୍ତର, ଦେବା ତିତ୍ତର ନୁ ଇକ୍ଲେମ୍ତେ ତଃସ୍ମେଣ୍ କାରାଗାତ୍ତାଗ୍ ବିତାମ୍ ମାତତତ୍ ।

୪୨ ଅତ୍ କାଲ୍ପକିନେ ଦେବା ତିତ୍ତର, କରତ୍ତେ ରେଣ୍ ଦୁକ୍ଷା ଆତର ମେଷେ ବାତ୍ତୟେ ତୁରତେ ନାରକିତର । ବେନ ମେଶ୍ଵା ନୁ ମେକାତ୍ ତଲ୍ପକା କେରସ୍, ବିକାରିତ୍ ଗାତି ରଗାମ୍ ନୁ ଅତ୍ୟାତାର ଉତାନତ୍ ଲେକାମ୍ ଆସ୍ ଉତତତ୍ ।

୪୩ ଇଦରକମ୍ ନାରୁତ୍ତ୍ଵେ ଶ୍ରେୟେ ଜଗତ୍ତାଗ୍ ପତ୍ତୟେ ଇଲା । ଅତ୍, ଗୁପ୍ତା ଏକାମ୍ ଉତ, ମେଟା, ପାଆତ୍ତକ୍, ମେଷେ ଦରାନାମ୍ ମାତତତ୍ ତୁମ୍ ଅତ୍ ମାଲଦିଙ୍କ ଇଲେକଟ୍ ମାତତେ ।

୪୪ ଇତ୍ତ ସାରେତତ୍ ତାମ୍ ତାମାଦ୍ ବିଶ୍ଵାସତେ ଚିହ୍ନେ ନେହସ୍ ଆତର । ମେଷେବାତ୍ ଅତ୍ ଦେଉତ୍ ପ୍ରତିଜ୍ଞା ମାଳା ଲେକେତ୍ ବିଷୟ ଦରସ୍ କଟେମ୍ ମାତତ୍,

୪୫ ବାତିଙ୍କୁତକେ ଦେଉତ୍ ମାନ୍ ମାଲଦିଙ୍କ ସାୟେତ୍ ବିଷୟ ଆଲ୍ପି ମାତତଶ୍ଚ । ଅତ୍ ମାନ୍ ସାଞ୍ଜ ବେଲା ସିଦ୍ଧ ଆତତ୍, ଆଦେ ଆଦୁତେ ଦେଉତ୍ତାଦ୍ ଇସ୍ତାମ୍ ମାତତା ।

୧୨

ଇଶ୍ଵର ଆଦୁତନ୍ ମାନ ବାବାଲ୍

^୧ ଇଦ୍‌ଲେକେନ୍ ସାକ୍ଷିନଡ଼ ଅଣ୍ଡୟ ବାଡ଼ିୟା ମାନ୍ଦେ ମାନ୍ ନାଲୁପାକା କେପିମିନ୍‌ଡେର୍ । ଆଦିନ୍‌ମାଲଦିଙ୍କ୍ ଖାତାରୁ, ବେନ୍ ସାରେ ବିଷୟ ମାନାଲ୍ ଆଦାନ୍ ଆଦିନ୍ ବାନ୍ ମାଡ଼ ମିନ୍ଦେ ମେଣ୍ଡେ ବେନ୍ ସାରେ ପାପାମ୍ ମାନାଙ୍କ୍ ଲାଗି ପଇସ୍ ମିନ୍ଦେ, ଆଖି ସାରେ ଓଡ଼ସି ମେଣ୍ଡେ ଗାଡ଼ସ୍ ଆସ୍ ମାନ୍ ମାଲଦିଙ୍କ୍ ତିଆର୍ ଆଦାନାଦିନ୍ ମୁନେ ମିରି ଆନ୍‌ଦିକାଲ୍ ।

^୨ ବେନନ୍ ପର୍ ମାନାଦ୍ ଆରାମ୍ ନୁଞ୍ଜ ତେରାନ୍ ବିଶ୍ଵାସ୍ ଆଶା ମାଡ଼ମିନ୍ଦେ, ଆରାମ୍ ନୁଞ୍ଜ ମାଡେଙ୍କ୍ ଆନା ବେନଙ୍କ୍ ମାନାଲ୍ ବିଶ୍ଵାସ୍ ଖାତିତାଲ୍ ଆ ଜିସୁନ୍ ପର୍ ମାନ୍ କାଣ୍ଡକ୍ ଖାତିକାଡ଼, ଅଣ୍ଡ କୁଣ୍ଡତେ ଖେରେତେ ତାନାଦ୍ ପାଡ଼ିୟନ୍‌ନୁଞ୍ଜ ଖେରୟ କଟେମ୍ ମାଡ଼ତଣ୍ଡ, ବଂର ଖାଦାନ୍ ଦିନାମ୍ ଅଣ୍ଡ ମାଲଦିଙ୍କ୍ ନେହସିସ୍ ମାନ୍ଦାନ୍ ସୁକାମ୍ ମାଲଦିଙ୍କ୍, ସିଲ୍‌ଖାତାଦ୍ ତଲାନ୍ ସିଗ୍‌ତିଙ୍କ୍ ଅଣ୍ଡ ତୁଞ୍ଜାନ ମାଡ଼ତଣ୍ଡ; ଇଞ୍ଜ ଅଣ୍ଡ ଦେଉଡ଼ତ୍ ସିଂହାସନଡ଼ ତିନ୍ଦା ପାକା ମିନ୍ଦେଣ୍ଡ ।

^୩ ଆଲ୍‌ସୁତାଟ୍, ଅଙ୍କ୍ ବେସର୍ ଦୁକାମ୍ ଆସ୍‌ମାନ୍‌ତା; ଅଣ୍ଡ ପାପାମ୍ ନାରୁନାଗାଙ୍କ୍ ବେସର୍ ପିନ୍‌ଆୟ୍‌ଖା ମାନ୍‌ତଣ୍ଡ । ଆଦିନ୍‌ମାଲଦିଙ୍କ୍ ମିଡ଼୍ କଟିଆସ୍ ମାନ୍‌ମାଟ୍ ।

^୪ ବାତିଙ୍କ୍‌ଇଡ଼କେ ମିକିଂଙ୍କ୍ ଇଞ୍ଜେ ଆ ପାପାମ୍ ବିରୁଦ୍‌ତେ ତଲାନ୍ ସାମାନ୍‌ତାଦ୍ ଯୁଦୁ କିଦାନଙ୍କ୍ ଖେୟ ।

^୫ ଦେଉଡ଼ ତାନ ପିଲାନ୍ ଲେକେନ୍ ମିକିଂଙ୍କ୍ ବେନା ଖେଡ଼କେତାଞ୍ଜ ଗଟ୍ କେଞ୍ଜିସ୍‌ମିନ୍ଦେଣ୍ଡ ଆଦ୍ ବେଲା ମିର ମାର୍‌ଙ୍କ୍ ଆଞ୍ଜିର୍ ? “ହେ ନା ମାରିଡ଼, ଦେଉଡ଼ ନିକିଙ୍କ୍ ଶାସନ୍ ମାଡ଼ାନାସୁଟ୍ କେଞ୍ଜାଟ୍ । ଅଣ୍ଡ ନିକିଙ୍କ୍ ପାସ୍‌ନାସୁଟ୍ ଦୁଃକାମ୍ ଆଇମାଟ୍ ।

^୬ ବାତିଙ୍କ୍‌ଇଡ଼କେ ଦେଉଡ଼ ବେନଙ୍କ୍ ସାୟେ ଇନ୍‌ତଣ୍ଡ, ଅଙ୍କ୍ ଶାସାନ କିତଣ୍ଡ ମେଣ୍ଡେ ବେନଙ୍କ୍ ମାର୍ ଇଞ୍ଜ କେତିତଣ୍ଡ ଅଙ୍କ୍ ତିପାଲ୍ ଇଡ଼ତଣ୍ଡ ।”

^୭ ନିୟାଦ୍ ଦୁକାମ୍ କାଷ୍ଟାମ୍‌ତିଙ୍କ୍ ବାବାଲ୍ ଇଦାନ୍ ତିପାଲ୍ ଇଞ୍ଜ ଏକା ମାଡ଼ି କଟ୍ ମାନ୍‌ଟ୍, ଇଦିନ୍ ଦ୍ଵାରା ଅଣ୍ଡ ମି ସାଙ୍ଗ୍ ମାରିନ୍ ଲେକାମ୍

ବ୍ୟବହାର ମାଡ଼ିମିନ୍ଦେଣ୍ଟ ଇଞ୍ଜ ପୁନ୍ଦାଙ୍କ ଆଦୁଡ଼ । ବାବାନାଗାଙ୍କ ବେପଡ଼, ଡିପାଲ୍ ଦରକ, ଆଦ୍ ଲେକେଡ଼ ବେନ ମାର୍ ମିନ୍ଦେନ୍ କି ?

୮ ତାନ୍ ଝେରେ ମାର୍‌କିନ୍ ଲେକାମ୍ ମିକିନ୍ ଯଦି ମି ବାବାଲ୍ ଶାସନ୍ କେଞ୍ଜକଟେ ମାନ୍‌ତଣ୍ଟ, ଆଲେଇଡ଼ଏ ମିଡ଼୍ ନିଜାମ୍ ମାର୍ ଆୟୁଡ଼ିଡ଼ । ମିଡ଼୍ ଦାରି ମୁତେନ୍ ମାରିଡ଼୍ ।

୯ ମାନା ଇଦୁନିଆତ ବାବାଲ୍ ମାନାଙ୍କ ଡିପାଲ୍ ଇଡ଼କେବା ମାନାଲ୍ ଡକିଙ୍କ ପ୍ରେମ୍ ମାଡ଼ିତାଲ୍ । ଆଲେକିଡ଼କେ ମାନ ସ୍ୱର୍ଗତେ ବାବାଲ୍ ଶାସନ୍‌ତା ମାନେମ୍ ଆସ ମାନ୍‌ନାଦ୍ ବେତର୍ ନାରଗେ ସାୟାତାଦ ଜୀଞ୍ଜାଦରକିତା !

୧୦ ମାନ ଦୁନିଆତା ବାବାଲ୍‌ଡ଼, କାଣ୍ଟକିନେ ବାତା ସାୟେତାଦ୍, ଆଦିନସାରେ ମାନାଙ୍କ ରୁଦୁର କାଲାମ୍ ମାଇଦିଙ୍କ ଶାସନ୍ ମାଡ଼ିତେ; କିନ୍ତୁ ମାନାଲ୍ ବେଲା ତାନ ପବିତ୍ରତାତେ କାୟିଲି ପାରଦିତାଲ୍, ଇଦ୍ ବିଷୟଦ୍ ମାୟିଦୀଙ୍କ ଦେଉଡ଼ ମାନ ମଙ୍ଗଲତିଙ୍କ୍ ମାନାଙ୍କ ଶାସନ୍ କିତଣ୍ଟ ।

୧୧ ଡିପାଲ୍ ଦରକାନ୍ ଆସୁଟ ମାନ୍‌ନାଙ୍କ ଆଦ୍ କାଷ୍ଟାମ୍ ଆଦାନ୍ ଲେକେମ୍ ମନେ ଆତା, ଆସକେ ବା ସୁକାମତାଦ୍ ଆୟୁ କିନ୍ତୁ ଶାସ୍ତି ମାୟିଦୀଙ୍କ ଅଡ଼ାଦ୍ ଜୀଞ୍ଜା ସାୟେ ଆଡ଼ତା, ଅଡ଼କ୍ ପେରକେ ଦରକାନ୍ ଦାମ୍‌କ୍ ଜୀଞ୍ଜାଡ଼ ଲେକେଡ଼ ପୁରସ୍ତାର୍ ଦରକୀତର ।

ଉପଦେଶ ଓ ସତର୍କଗର୍

୧୨ ଆଦିଙ୍କ ମାୟାଦ୍ ସାଡ଼ଞ୍ଜାମ୍ ଇଲ୍‌ଞ୍ଜା କାୟି ତେଏମୁଟ୍ ମେଣ୍ଟେ ଞାଡ଼କମାନ୍‌ନ୍ ବର୍‌ମିଣ୍ଟା ସାଡ଼ଞ୍ଜାମ୍ ମାଡ଼ାଟ୍ ।

୧୩ ତିନାଙ୍କ ଆରଦାଗ୍ ତାକାଟ୍; ଆଲେଆଡ଼କେ, ମିୟାଦ୍ ତାକପାର୍‌ଞ୍ଜ କଟ୍ ମାନ୍‌ନ୍ କୁଟ୍‌ଡେକା ସାୟୁ ଆଦ୍‌ତା ।

୧୪ ସାରେତର୍ ସାଙ୍ଗ୍ ଶାନ୍ତିତେ ବାଦ୍‌କାନଙ୍କ ନୁ ପବିତ୍ର ଜିଞ୍ଜା ବାଦ୍‌କାନଙ୍କ ଉଦ୍ୟମ୍ ମାଡ଼ାଟ୍, ବାତାଙ୍କଈଡ଼କେ ଆଦିଙ୍କ ଝିଡ଼ସିଡ଼କେ ବେନବା ପ୍ରବୁଙ୍କ ଉଡ଼େପାର୍‌ଣ୍ଟ ।

୧୫ ସାଦ୍‌ଦାନ୍, ବେଲାକି ଦେଉଡ଼ ଅନୁଗ୍ରମାମେ ଅନ୍‌ୟାୟତେ ବଞ୍ଚେମ୍ ଆୟୁମାର୍ । କାୟତେ ମାଡ଼େ ଲେକାମ୍ ଆୟୁମାର୍ । କାୟତେ ମାଡ଼େ ପେରସ୍‌କେ, ତାନ୍ ଝିସାମ୍‌ତେ ନାର୍‌ଗେ କାରାପ୍ ଆଦ୍‌ତା ।

୧୭ ଏଣୁ ଲୋକେ ବେନ କାରାପ୍ ବା ଅଦର୍ମ ନାରୁଣ୍ଡ ଇନା ଆୟମାର୍; ଅଣ୍ଡ ତ ଅଣ୍ଡୟ ଅଲ୍ଲତେ କାଦି ସେଙ୍ଗେ ବେଡ଼୍ ଦାଦାନ ଅଦିକାରଦିଙ୍କୁ ଖାମି ମାଡ଼ତଣ୍ ।

୧୮ ତାନପେକେ ଅଣ୍ଡ ବାବାନ୍ ଆଶ ବାଦ୍ ପାଏମ୍ ଆଦାନଙ୍କୁ ଇଚ୍ଛା ମାଡ଼ତଣ୍, ଇଡ଼କେ ପାଏମ୍ ଆଦେ ପାର୍ଝଣ୍ । ନାଗେ କାଣ୍ଡେଡ଼୍ ରାପି ଅଣ୍ଡ ନିଜର୍ ମାଡ଼ତେ ପାଡ଼୍ଯିଦିଙ୍କୁ ବଦଲା ମାଡ଼େ ପାର୍ଝମାଡ଼ତଣ୍ ।

୧୯ ଇସାଏଲୀୟଡ଼୍ ଲୋକେ ମିଡ଼୍ ସିନାଇ ମେଟେଡ଼୍ ପର ନିଡ଼ତାନ କିସ୍, ଗାଟି ଇକାଡ଼୍, ଗାଲ୍ଝାର୍ଯାମ୍,

୨୦ ମଇର୍ ନେକାନାଲ୍ଦ୍ ଲେଙ୍ଗ୍ ନୁ ପାୟୁର୍ତେ ଲେଙ୍ଗ୍ ଏଞ୍ଜୟେ । ଇସାଏଲୀୟଡ଼୍ ଆଦ୍ ଲେଙ୍ଗ୍ କେଞ୍ଜି କେସ୍ ମାଡ଼ତଡ଼୍, ବେଲାକି ଅଡ଼୍, ମେଣ୍ଡେ ଆଗାକନ୍ ଅଣ୍ଡପଦ୍ ଗର୍ବା କେଞ୍ଜିଡ଼୍,

୨୧ ବାତେଙ୍କୁ ଇକେ “ପଶୁ ଗାଲା ଆଦ୍ ମେଟେଡ଼ିଙ୍କୁ ଇର୍ବକେ, ଆଦିଙ୍କୁ କାଲ୍କିନ୍ ତଡ଼୍ ଆଞ୍ଜୁକିତଡ଼୍,” ଇଦ୍ କଷ୍ଟ ଆଦେଶ୍ ଅଡ଼୍ ଇଚ୍ଛା ମାଡ଼େ ପାର୍ଝମାଡ଼ତଡ଼୍ ।

୨୨ ଆଦ୍ ଦୃଶ୍ୟ ଉଡ଼ାନଙ୍କୁ ଗାଟି ଝେରେ ମାଡ଼ତେ, ମଗାଲ୍ କେଡ଼ତଣ୍, “ନାନ୍ ଝେରେତେ ଖାଡ଼କୁତାନ ।”

୨୩ ଇଡ଼କେ ମିଡ଼୍ ଖାଡ଼ତିଡ଼୍ ସିୟୋନ୍ ମେଟେଡ଼ାଗ୍, ଜିଝେତାଦ୍ ଇଶ୍ବରତେ ନଗରୀ ସ୍ବର୍ଗତାଦ୍ ଯିରୁଶାଲେମ୍ତାଗ୍, ବେଗେ ହଜାର୍ ହଜାର୍ ସ୍ବର୍ଗତୁତାଦ୍ ମାନ୍ ଗୁଡ଼ିତଡ଼୍ ।

୨୪ ଇଶ୍ବରତାଦ୍ ମୁନେନ୍ ପୁର୍ତେ ପିଲାନ୍ ପେଦେର୍ ସ୍ବର୍ଗତାଗ୍ ଲେକାଆଡ଼ତେ, ମିଡ଼୍ ଅଡ଼୍ଝାଦ୍ ଝେଡ଼କେ ମାଡ଼ାନାଗ୍ ଖାଡ଼ତିଡ଼୍ । ସାରେ ମାନେୟ ଜାତିଡ଼୍ ବିଚାର୍ ଇଶ୍ବରତେ ଗାରେ ନୁ ସାୟେ ଦାର୍ମାମ୍ ନାରୁଡ଼ାଦ୍ ଆମ୍ବାକିନ୍ ଗାରେ ମିଡ଼୍ ଖାଡ଼ତିଡ଼୍ ।

୨୫ ମେଣ୍ଡେ, ପୁନା ନିୟମ୍ ତିୟାର୍ ମାଡ଼ତେ ଜିସୁନ୍ ଗାରେ ନୁ ବେନନ୍ ନେଡୁର୍ ହେବଲ୍ତେ ନେଡୁର୍ ତାଗାଙ୍କୁ ବାଡ଼୍ଯେ ବିଷୟ ଇଦ୍ତଣ୍ ଇଞ୍ଜ ଆଗେ ମାଡ଼ତୁମ୍, ଆଦ୍ ନେଡୁର୍ତେ ଗାରେ ଖାସ୍ମିଦେଡ଼ି ।

୨୬ ଉଡ଼ାଟ୍ ସାବଦାନ୍, ଅନ୍ ଗର୍ଡିଙ୍କୁ ଆସାମ୍ ଇଞ୍ଜ ଆଲ୍ସମାର୍ । ସ୍ବର୍ଗତାଗାଙ୍କୁ କାବୁର୍ ଆସ୍ ଖାସ୍ ପୃତିବିତାଗ୍ କେଡ଼ତେନଣ୍ ନାରୁଣ୍ଡିଙ୍କୁ ବେନଡ଼୍, କେଞ୍ଜିଡ଼୍, ଅଡ଼୍ ବେନଡ଼୍ ବା ରକ୍ଷା ପାଏମ୍ ଆୟଡ଼୍ ।

ଆଲାଉତକେ, ଇଞ୍ଜେ ବେନ ସ୍ୱର୍ଗତାର ମାଞ୍ଜି ଗଟି କେତୁତଣ୍ଡ, ଅଂକିଙ୍କ ପାସକେ ମାନାଡ଼ ବାଡ଼ ରକ୍ଷା ପାଏମ୍ ଆଦତାଡ଼ ?

୨୭ ଆସୁଟ୍ ଅନ୍ ଲେଙ୍ଗ୍ ପୃତିବିତିଙ୍କ ଖାଡ଼ସ୍ମିସ୍ ମାଡ଼ତେ । ଇଞ୍ଜେ ଅଣ୍ ପ୍ରତିଜ୍ଞା ମାଡ଼ି ମିନ୍ଦେଣ୍ଡ, “ନାନ୍ ମେଣ୍ଡ ଅନ୍ଦାମ୍ ପୃତିବିତିଙ୍କ ଆୟ, ମୟଲ୍ତିଙ୍କ ଗାଲା ଖାଡ଼ସ୍ମିଦତାନ୍ ।”

୨୮ ଇଗାଙ୍କ ନିଜାମ୍ ଯେ, ଅଣ୍ “ମେଣ୍ଡ ଅନ୍ଦାମ୍,” ବାଡ଼ ମାଡ଼ିତଣ୍ଡ, ଅଦିନ୍ତଡ଼ ସୃଷ୍ଟିତାଦ୍ ସାରେ ବିଷୟ ଖାଡ଼କି ଦଂସ ଆଦତା । ବେନ୍ସାରେ ବିଷୟ ଖାଡ଼ସ୍ମାନଙ୍କ ଆୟ, ଆସ୍ତ୍ର ଗାଡ଼ସ୍ ଆସ୍ ମାନତା ।

୨୯ ଆଦିଙ୍କ ଖାଡ଼ାଟ୍, ମାନାଡ଼ ରାଜି ଆଦିତାଡ଼, ବାତେଙ୍କଇତକେ ମାନାଡ଼ ସାରେଦିନାତାଦ୍ ରାଜ୍ୟ ପାଏମ୍ ଆଦତାଡ଼ । ଖାଡ଼ାଟ୍, ମାନାଡ଼ ଦନ୍ୟବାଦ୍ ଇଦତାଡ଼ ମେଣ୍ଡେ ବକ୍ତି ନୁ ଖେରସ୍ ଇଶ୍ୱରତିଙ୍କ ଖେଡ଼କେ ଆସ୍ ପୁଜେ ମାଡ଼ିତାଡ଼ ।

୩୦ ବାତେଙ୍କଇତକେ ନିଜାମ୍ ମାନ୍ ଇଶ୍ୱର ଅଣ୍ଡୟ ଦଂସମାଡ଼ାନ୍ କିସ୍ ଲେକେତଣ୍ଡ ।

୧୩

ଇଶ୍ୱରତିଙ୍କ ସନ୍ତୁଷ୍ଟ ମାଡ଼ିତାଡ଼

୧ କ୍ରିଷ୍ଟବିଶ୍ୱାସି ଦାଦାଲଡ଼, ନୁ ଏଲାସ୍ମିନଡ଼, ନିଜେ ନିଜର୍ ଲୋପେ ପ୍ରେମ ମାଡ଼ମାନୁଟ୍ ।

୨ ଖାସମାନ୍ଦାନ୍ ନାରୁଡ଼କିଙ୍କ ମୀଈ ଲୋଡ଼ତାଗେ ସେବା ମାଡ଼ାଟ୍ । ଆଦ୍ ମାଡ଼ାନ୍ଝେଲେ ବେନ ଦୂତକିଙ୍କ ସେବା ମାଡ଼ତଡ଼ ।

୩ କାରାଗାରତାଗେ ମାନ୍ଦାନ୍ ନାରୁଡ଼, ତଡ଼, ମିଡ଼, ନିଜେ କାରାଗାରତାର କଷ୍ଟ ମାଡ଼ମାନ୍ଦାନ୍ ଲେକାମ୍ ଆଲସି ଅଡ଼କିଙ୍କ ଏକା ମାଡ଼ାଟ୍ । ଦୁଃକାମ୍ କଷ୍ଟ ଆସମାନ୍ଦାନ୍ ନାରୁଡ଼ତଡ଼, ସାରେଦୁଃକାମ୍ ଆଲସି ଅଡ଼କିଙ୍କ ଏକା ମାଡ଼ାଟ୍ ।

୪ ପେଣ୍ଡୁଲୁ ସାରେତଡ଼ କଣ୍ଡେତେ ସାରେ ପୁରା ଆୟି, ମୁଦ୍ପାନଡ଼, ନୁ ମୁତେ ନିଜେ ନିଜେଲୋପେ ପାପ୍ ମାଡ଼ଝେ ମାନୁଟ୍ । ଇଶ୍ୱର ଲାଲସା ନୁ ବେବିତାରଡ଼, ବିଚାର ମାଡ଼ିତଣ୍ଡ ।

୫ ଦନ୍ ଆସେତାଗାଙ୍କ ପେୟସ୍ ଖାଡ଼ାବ୍ ନୁ ମିୟାଦ ବାତେ ମିନ୍ଦେ, ଆଗେ ସନ୍ତୁଷ୍ଟ ମାନୁର୍ । ବାତେଙ୍କକେ ଇଶ୍ବର କେତେନ୍, “ନାନ୍ ମିକିଙ୍କ୍ ଖିଡ଼ସିଞ୍ଜନ୍, ନାନ୍ ମିକିଙ୍କ୍ ବେସୁଙ୍କ୍ ବର୍ଜନ୍ ମାଡ଼ନ୍ ।”

୬ ଆଦିଙ୍କ୍ ମାମେ ସାହାସ୍ତେ କେତେ ପାରତାଡ଼, “ପ୍ରବୁ ନାୟାଦ୍ ସାହାସ୍ତେ । ନାନ୍ ଖେରୁୟନ୍, ବେନ ନା ଅନିଷ୍ଟ ମାଡ଼େପାରୁଞ୍ଜି?”

୭ ବେନ୍ ନେତାଲଡ଼୍ ମୁନେଙ୍କ୍ ମିକିଙ୍କ୍ ଇଶ୍ବରତେ ଗଟି କେଞ୍ଜିପି ମାଡ଼ତଡ଼୍, ଅଡ଼କିଂଙ୍କ୍ ଏକାମାଡ଼ାବ୍ । ଅଡ଼ାଦ୍ ଜିଞ୍ଜେ ବା ତଲ୍ତାଦ୍ ବେଦ୍ ଲେକାମ୍ ମାଡ଼ତେ, ଆଦ୍ ଏକା ମାଡ଼ି ଅଡ଼ାଦ୍ ବିଶ୍ବାସ୍ତିଙ୍କ୍ ନିଜେଡ଼୍ ଜିଞ୍ଜେତେ କାମ୍ ମାଡ଼ାବ୍ ।

୮ ଜିସୁ କ୍ରିଷ୍ଟ ନିନେ, ନେଣ୍ଟୁ ନୁ ସାରେଦିନାମ୍ ସାମାନ୍ ମାନ୍ତଣ୍ଟୁ ।

୯ ବେସ୍ବେସତାଞ୍ଜୁ ବୁସାତାଞ୍ଜୁ ଦର୍ମଶିକ୍ଷା ମିକିଙ୍କ୍ ସଡ଼୍ ଆଦାଗାଙ୍କ୍ ଖେରେ ମାଡ଼ମାକି । ଇଶ୍ବରତେ ଅନୁଗ୍ରମାମେ ଅନ୍ୟାୟତେ ଲୋପେଡ଼ଆମ୍ ସେଙ୍ଗେ ଶକ୍ତି ତାତାନାଦ୍ ସାୟେ, ତିନ୍ଦାନ୍ କାଦି ନିୟମ୍ ପାଲନ୍ ମାଡ଼ମାନ୍ଦାନ୍ ତଡ଼୍ ଇଦ୍ ଆଦାନଙ୍କ୍ ପାରୁଞ୍ଜି । ଆଞ୍ଜୁ ବାୟଦେଡ଼ ନୀତିନିୟମ୍ ପାଲନ୍ ମାଡ଼ମାନ୍ଦାନ୍ ନାରୁଡ଼୍ ଆଗେ ବାଡ଼ ଉପକାର୍ ପାଏମ୍ ଆୟଡ଼୍ ।

୧୦ ମାନାଞ୍ଜୁ ବେନ୍ ଦିବ୍ୟ ବେଦୀ ମିନ୍ଦେ, ଆଗେ ମାନ୍ଦାନ୍ ନୈବେଦ୍ୟ ତିଞ୍ଜିମାନ୍ଦାନ୍ ଇହୁଦୀ ଯାଜକିଡ଼ାଞ୍ଜୁ ଅଦିକାର୍ ଇଲେ ।

୧୧ ଇହୁଦୀ ବେଡ଼ୟ୍ ଯାଜକ୍ ଲେକାମ୍ ଇସମାନ୍ଦାନ୍ ପଶୁତେ ନେତୁର୍ ପାପତେ ପ୍ରାୟଶ୍ଚିତ୍ ଲେକାମ୍ ଉତ୍ତର୍ ମାଡ଼ାନଙ୍କ୍ ମହାପବିତ୍ର ପଡ଼ିୟେତାଗ୍ ଆଦତଡ଼୍; କିନ୍ତୁ ବେଡ଼ୟ୍ ପଶୁତେ ମେନ୍ଦୁଲ୍ ମାନ୍ଦାନ୍ ପଡ଼ିୟେତାଗାଙ୍କ୍ ବାଇଦେ ଆସ୍ ପଡ଼ସ୍ନୁଡ଼୍ ।

୧୨ ଆଦେଲେକାମ୍ ଜିସୁ ମିକା ନିଜେଡ଼୍ ନେତୁର୍ତେ ନାରୁଡ଼୍କିଙ୍କ୍ ପାପତାଗାଙ୍କ୍ ପରିଷ୍କାର୍ ମାଡ଼ାନ୍ ସେଙ୍ଗେ ନାର୍ଦେ ବାଇଦେ ତଲ୍ତନ୍ ।

୧୩ ଆଦିଙ୍କ୍ ଦାଟିବ୍, ମାନାଡ଼୍ ମିକା ନାର୍ଦେ ବାଇଦେ ଅନ୍ ପାକେ ଆଦିକାଡ଼୍ ନୁ ଅନ୍ତଡ଼୍ ନିନ୍ଦା, ଅପମାନ୍ ସହ୍ୟ ମାଡ଼ିକାଡ଼୍ ।

୧୪ ବାତେଙ୍କକେ ମାନ୍ସେଙ୍ଗେ ଇଦ୍ ଜଗତ୍ତାଗେ ବାତେମିକା ଲେକେଡ଼ ନଗର୍ ଇଲେ; ବେନ୍ ନଗର୍ ବବିଷ୍ୟତ୍ତେ ତିଆର୍ ଆଦତେ, ମାନାଡ଼୍ ଆଦ୍ ନଗର୍ତିଙ୍କ୍ କେପିମାନ୍ଦିକାଡ଼୍ ।

୧୫ ଇଡ଼କେ ଖାରାଟ୍, ମାନାଡ଼୍ ଜିସୁଙ୍କ ପୟସ୍ ଇଶ୍ବରତିଙ୍କ ମାନୁଖାଦ୍ ପ୍ରାଣିଆ ଲେକେମ୍ ପୁଜ୍ ଇଦତାଡ଼୍ । ଇଦ୍ ପୁଜ୍ ଜିସୁଙ୍କ “ପ୍ରବୁ,” କେତାନାଦ୍ ମାନ୍ ପାୟୁରତାଲା ପେୟୁତିଡ଼୍ ।

୧୬ ଅନ୍ୟାୟ ନାରୁଡ଼୍ ଉପକାର ମାଡାନାଦ୍ ନୁ ଅଡ଼୍‌କିଙ୍କ ସାହାଯ୍ୟ ମାଡାନାଦ୍ ମାରୁଙ୍‌ମାର୍, ଇସୁସାର୍‌କେ ଇଶ୍ବରତେ ଲେକେଡ଼୍ ବଲି ଲେକାମ୍ ।

୧୭ ମି ନେତାଲଡ଼୍ ଗଟି ମାନେମ୍ ଆୟୁମୁଟ୍, ଅଡ଼୍ କେତାନାଦ୍ କେଞ୍ଜାର୍ । ଅଡ଼୍ କେପାନ୍ ନାରୁଡ଼୍ ଲେକାମ୍ ମି ଆମ୍ବାତିଙ୍କ ସୁରକ୍ଷାମାଡ଼ି କେପିତଡ଼୍, ବାଡ଼୍‌ଇକେ ଅଡ଼୍ ଇଶ୍ବରତେ ଗାର୍‌ ନିଜର୍ ପାଡ଼୍‌ୟିଦେ ଇସାପ୍ ଇଦ୍‌ଝେୟୁତିଡ଼୍ । ମିଡ଼୍ ଅଡ଼୍ ଗଟିଙ୍କ କେଞ୍ଜାର୍, ଆଲେକେ ଅଡ଼୍ ସାରଦେ ମାନ୍‌ଦେ ନିଜର୍ ପାଡ଼୍‌ୟି ଓଡ଼୍‌ସିତଡ଼୍, ଇଡ଼କେ ଯଦି ଆଲା ମାଡ଼୍‌ଓଡ଼୍, ଆଲେକେ ଅଡ଼୍ କପାମ୍ ଆସ୍ ମାଡ଼ିତଡ଼୍ ନୁ ଆଦ୍ ମିକିଙ୍କ ସାୟେ ଆୟ ।

୧୮ ମାନ୍ ମାୟୁଦିଙ୍କ ପ୍ରାର୍ଥନା ମାଡ଼ମାନୁଟ୍ । ମା ମନ୍ ବେଲା ସାୟେ, ଇଗେ ବାଡ଼୍ କେତାନାଦ୍ ଇଲ୍‌ଲେ, ବାଡେଇକଡ଼କେ ସାର୍‌କେଲେ ନ୍ୟାୟତାଦ୍ ପାଡ଼୍‌ୟି ମାଡାନାଦ୍ ମାୟାଦ୍ ଇଛା ।

୧୯ ମେଣ୍ଡେ ଇଶ୍ବର ନାକିଙ୍କ ମି ଗାର୍‌ ଯାପେ ରହସିଦତଣ୍, ମିଡ଼୍ ନା ମାୟୁଦିଙ୍କ ଇଦ୍ ପ୍ରାର୍ଥନା ମାଡ଼ମାନୁଟ୍ । ଇଦ୍ ମି ଗାର୍‌ ନାୟାଦ୍ ଲୋପେକସ୍ ନିବେଦନ୍ ମାଡ଼ତୁନ୍ ।

ମାଡେଇତାଦ୍ ପ୍ରାର୍ଥନା

୨୦ ବେନ ନିଜର୍ ଜିଝୁଣ୍ ଇସ୍ ମେଣ୍ଡାକିନ୍ ବାଡ଼୍‌ୟଣ୍ ପଡ଼୍‌ପାନଣ୍ ଆଡ଼ତଣ୍, ମାନ୍ ଅଣ୍ ପ୍ରବୁ ଜିସୁଙ୍କ ଇଶ୍ବର ତଲ୍‌ତାଗାଙ୍କ ତେଏତଣ୍ । ଆ ଜିସୁନ୍ ଜିଝୁଣ୍ ଇଡ଼ତେ ନେତୁରକନ୍ ଅଣ୍‌ୟ ସାର୍‌କେନାତାଦ୍ ଚିଃନେ ଆଡ଼ତେ ।

୨୧ ଶାନ୍ତିଦାତାଲ୍ ଇଶ୍ବର ତାନ୍ ଇଛା ପାଲନ୍ ମାଡାନ ସେଜେ ମିୟାଦ୍ ଦରକାର ଇସାବ୍ ସାର୍‌ ଲେକେଡ଼୍ ବିଷୟ ଇଓିଣ୍ ନୁ ଜିସୁ କ୍ରିଷ୍ଟନ୍ ତଡ଼୍ ମାନ୍ ଜିଝୁଣ୍‌ତାଗ୍ ଅନାଦ୍ ସାୟେ ପାଡ଼୍‌ୟି ମାଡ଼ତୁଣ୍ । ଯୁଗ୍‌ୟୁଗ୍ କ୍ରିଷ୍ଟ ମହିମା ଆୟିଣ୍ । ଆମେନ୍ ।

ମାଡେଇତାଦ୍ ଗଟ୍

^{୨୨} ଆ ଦାଦାଲଡ଼ି ନୁ ଏଲାସ୍, ନାନ୍ ମିକିଙ୍କ କେତୁତାନ୍, ନାୟାଦ୍ ଇଦ୍
ସୁଦୁର୍ ଲେକ୍ତାଦ୍ ଚିଟିତେ କାବୁର୍ ସେଙ୍ଗେ ଗାଡ଼୍ ଆସ୍ ମାନ୍ ଇମୁର୍
। ମିକିଙ୍କ ସାର୍ଦେ ମାଡ଼ାନ୍ ସେଙ୍ଗେ ଇଦ୍ ନାନ୍ ଲେକିମିନ୍ଦେନ୍ ।

^{୨୩} ମାନ୍ ଦାଦାଲ୍ ତିମତି ଜେଲ୍ତାଗାଙ୍କ୍ ମୁକ୍ତି ପାଏମ୍ ଆଡ଼ତଣ୍
ପୁନ୍ଦିତାଡ଼୍ । ଅଣ୍ ଯଦି ସିର୍ପାର୍ ଝାଦୁତଣ୍, ଆଲେକେ ନାନ୍ ଅଂକିଙ୍କ୍
ନା ତଡ଼୍ ମି ଗାର୍ରେ ତାତିତାନ୍ ।

^{୨୪} ମିଝଡ଼୍ କ୍ରିଷ୍ଟ୍ ବିଶ୍ୱାସୀଡ଼୍ ମାୟାଦ୍ ନମସ୍ତାର୍ କେତିତିଡ଼୍ ।
ଇଟାଲି ଦେଶ୍ତାଗାଙ୍କ୍ ଝାଦାନ୍ ଦାଦାଲଡ଼୍ ମିକିଙ୍କ୍ ନମସ୍ତାର୍ ମାଡ଼ତୁଡ଼୍
।

^{୨୫} ମି ସାର୍ରେତଡ଼୍ ଗାର୍ରେ ଇଶ୍ୱରତେ ଅନୁଗ୍ରହ୍ ସାରେଦାମ୍ ମାନି ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae